





欽定四庫全書

秋澗集卷八十一

此卷起至八十六卷止原本舊佚恭從
文淵閣本抄補故行款俱與原本不同

元 王惲 撰



中堂事記中

五日丙申陰晦王相同左右司郎中賈居貞始入朝陞
見上喜甚既退侍中和者思傳旨命與諸相集議六曹
并九道宣撫事於中書堂

六日丁酉諸相會左丞張仲謙第

左丞名文謙字仲謙
邢州沙河人資安和



靖公內敏於政不大聲以色。憚為都司。睹公來。催帳竿。基二事。因數曰。朝家事有大小。事需議。可敢奏。稍緩無妨。餘則不然。吾子切念之。今日思之。可為至言也。以決前議。大抵選官薄賦評鈔法等事。論者頗交雜。王曰。何傷。取其長。便者用焉。未刻。諸相入見。進大定政要。因大論政務於上前。聖鑒英明。多可其奏。班退。諭相曰。翼日朕郊祭。醜馬駟馬。卿等不必扈行。凡內外之務。比還悉裁定以聞。八日己亥。天日極晴朗。上祀天於舊桓州西北郊。皇族之外。皆不得預禮也。

九日庚子。晴暖。諸相圓坐都省。集兩曹掾史。讐九道民事。事。

十日辛丑。王張廉三相。洎賈郎中。會議政事。因論功利等事。且曰。世代下衰。其勢有不得不爾者。時憚亦預坐。因徐起而言曰。功利既不能弛。心與術亦不可不辨也。且心以居正為體。術以應變為用。總之體不失而有成者為上。此大臣所先務也。三相愕而起。

十一日壬寅。保定總管蔡國公嗣子和略。以本道鈔法

事來議都堂為經畫之已刻張叅政廉右丞會王相第
令詳定周官止縷讀眾士嘉謨而詳聽焉僉曰不為無
益也繼會九道宣撫定議官制輕減民賦等事申刻東
北雲起翁若潑墨雨東來散絲千門間乍暑霑潤為一
快也

十二日癸卯諸相集廉右丞第審定前議盧進之飯馬
餉午鑾輅還宮有頃侍中和者思傳旨召諸相入朝遂
以軍國大政止聞都俞之際眾悉以對天顏為喜動且

有恨其見晚之嘆是日平章趙璧以軍儲事被譴胥靡
於家甚嚴惴特從承旨王公上諸趙公謂心雖惕厲氣量

裕如也從而不去者唯門下士李革在焉趙事為結東

山謂此事蓋意起于陳德秀禍成于杜彥深公實不知也是日河南宣撫兼經

略使史公至自汴梁

十三日甲辰卯刻會廉右丞第辰刻諸相入朝以議定
六部等事上聞綸音撫慰大允所奏曰向來羣疑渙然
冰釋比出宮小雨浥塵緩轡沙堤有不覺其喜者晡時

張叅政廉右丞會王相第已奏允諸務來審聽焉
十四日乙巳雨午刻開霽會楊宣撫果張宣撫德輝劉
宣撫肅張右丞再議民賦事蓋有所盡未故也

十五日丙午有旨就上都長春宮作清醮三晝夜為民
祈福奏告文字交王鶚定撰者其辭有既獲畀矜之福
宜隆敷錫之恩六轡屬還歸之際一家孚保乂之休言
念蒼生不無素擾或凶荒之災相望或轉徙之苦相成
雖勅有司俾修善政更祈照鑒普洽鴻私是日巳刻廉

右丞張叅政會王相第呼金齒蠻使人問其來庭之意及國俗地
理等事言語侏離重譯而後通國名百夷拾送部長河列所遺曰鉢布者王蓋羣蠻總理在大理

西南數千里外而隸六詔焉曰阿吉者龍川部長塔亨所遣偕
來者八人始自戊午冬發於本土至是方達上都其人衣冠裝
束髻髮于項裹之絳氈復以白疊布盤繞其首衣以皂繒無矜
領之制膝以前裂而編之如懸索然眉額間塗丹墨為
飾金其齒蓋國俗之賤者也意思野逸殆驚麕然其土
宜稻有牛馬山羊雞豚鴛鴨之屬兵械有刀槊手弩而

無弓矢甲冑既而遣還上命中山人劉芳借職兵部郎中使其都堂命憚草詔其辭有嘉爾等跋涉修阻懷德遠來首輸事大之誠克謹畏天之戒轉為宣暢皇猷告諭隣附俾知國家威靈無遠弗届之意是日耶律中書來自漠北

十六日丁未史經略張右丞洎衆宣撫集都堂條具民政

十七日戊申辰刻諸相入朝以集議聞上一允所奏向

夕出宮

十八日己酉省奏准條畫民事凡廿七款為施行之

十九日庚戌百僚入見少頃出會東省奉旨召九路總管頒示新典若有所陳即具以聞除河間真定餘略有異同復為商確奏裁以定

廿日辛亥內宴不克見是晚工部石里忽即李被問堂命都司楊恕提控趙謙同憚等磨勘工匠支銷等簿達曙不寐

秘淵集
廿一日壬子都堂令憚檢討唐人置信牌鎖長官廳事
諸相辨析石里忽事責遂有所歸已刻既雨而雪寒
盡日

廿二日癸丑入見午刻諸相圓坐離校九道宣撫殿最
時東平撫司民賦有未足者某官對云云省官曰不聞
詔條使戶口增差發辦方為稱職某官以不敏謝及議
中外新舊官改授定制轉午雨雹蔽地大者如彈丸俄
而風作土下如雨黃霧四塞逮酉刻間開霽

廿三日甲寅司天臺官中順大夫張為雨土事以民勞
上聞明年新都之建遂經始焉

廿四日癸卯極晴朗諸相入朝奏准七道宣撫司所行
條畫

一中統元年科訖差發多有不盡戶計所據今歲科
差須管子細照勘務要盡實科徵不致隱漏兼各路
投下戶計差發欽奉見降聖旨亦從各路總管府驗
數科徵仰各路管民官照勘本管地面內見住人民

戶及不以是何人等應合收係當差者須管從實盡數科徵見了數目詳細開坐關部轉行申省奏聞若是中間却有漏落不盡實去處事發到官定將當該官吏嚴行斷罪外宣撫司有失體究者亦行治罪仍先取管民甘結文字

一中統二年差發雖已定立限次仰各路管民官更為斟酌彼中事勢催徵如限內併納者聽務要民戶安差發辦乃為稱職

一起置信牌事緣為各路遇有催督差發勾追官吏等事多用委差官併隨衙門勾當人及曳刺祇候人等投下文字不得搔擾民間轉致遲悞官中事務為此擬定今後止用信牌催辦一切公事據置到信牌編立字號令長官次官圓簽於長官廳事封鎖收掌如總管府行下州府科催差發并勾追官吏等事所用信牌隨即附簿粘連文字上明標日時定立信牌迴日勾銷并照勘稽遲限次究治施行若雖有文字無

信牌或有信牌無文字並不准用。迴日即仰本人賈前來赴總管府當廳繳納。當該司吏不得一面向接受發落。如違究治。據府行下司縣。其司縣行下所管抄面辦。仰依上施行。

一各路所設急遞舖委自宣撫司提領。仍禁約公路不得奪要文字。本管官司亦不得科取差發錢物。并照刷遞轉文字。如有稽遲日時。酌量治罪。據舖側近住坐。或開店買賣聽。過往軍馬使臣人等。並不得搔

擾遞轉文字。除申朝廷省并本路行移官司緊要文字外。其餘閒慢文字。不得入遞。亦不得私下夾帶一毫物件轉送。仍常切存恤。不致逃竄失所。若有違犯。仰宣撫司究治施行。

一宣撫司若遇緊要并機密公事。須當赴朝省計稟。即仰乘坐舖馬走遞。如是尋常公事。止令入遞轉發。除降去起馬劄子外。本司更不得別給起馬劄子。宣撫司起馬五疋。副使四疋。委差官令史人等三

正

一宣撫司官比及頒俸以來權依使臣分例批支
 一宣撫司曳刺祇候人比及定奪止設人數每司權
 設二十午刻諸相大合食於省堂之西偏奉旨命平
 章王文統舉讀史一人遂以詳定官周止膺選
 廿五日丙辰諸相按問高麗質子王淳與^洪淇甫^{曲直}事未刻
 新舊宣撫拜命於省中就付條畫新制及諸換授官資
 者悉裁遣之

廿六日丁巳辰刻入見上以錢穀大計問平章文統敷

對明敏慮無遺策

凡軍國大事皆有成算然後撮其要領使例相比

廿七日戊午上命平章王文統與前省官庭辨中元民
 賦虛實比上年多寡之數若人為語塞

廿八日己未暑氣甚隆有旨昨者比附前政甚優終未
 服其心也奏准差宣使蒲散禧悉起燕帟所有金帛等
 物是日特旨命趙璧平章政事如故其夜諸掾以會計
 故達曙不寐

廿九日庚申王相以簿書委積重為規畫授諸掾成算以備不時顧問

三十日辛酉前相臣安天合授西京路宣撫大使仍錫金虎符特寵異焉未刻堂命憚草宣諭大理及合刺章俾還本土手詔其辭有云嘉汝等遠自雲南導從選鋒轉戰千里直渡鄂渚以達於此勤已至矣今者俾爾各還本土以遂厥性之語各優賜人有差是日九道所造狐貂衣裘其數畢具王相命省掾王文蔚并憚用棋方

抹子通類比附使見估直高下孰省孰費且曰茲蓋史臣年表遺法固非吏輩所能知也蓋有所謂而云

五月甲午壬戌朔黎明達官巨僚畢集中省遂檢前省民賦以上年比中元數多而所入者鮮以中元比上年戶同而所入者廣論辨者久之前省官屈服始無異議焉諸相僉曰先後之事明矣遂具以聞夜漏下八刻廉右丞賈郎中傳旨曰若輩無狀凡所以欺蔽不應等事悉索焉以聞明日癸亥天威雷震前省官始知懼待罪

矣。中外聞者有萬口一辭之快。是日巳刻，東平宣撫司
 申國信使郝經等為宋人扼駐蘄州渦口，不遣入國事。
 既而知為宋人所誑，我實不審所在也。未刻，復遣戶部
 員外郎王煥催發燕藏諸物。

初三日甲子晴朗，盡日詰問前省官事。是日九道宣撫
 其先赴攸司及諸換授官入朝，陛辭歡聲和氣，洋洋郁

郁，滿皇都而載歸路矣。上京路總管忙占都喜見諸相

於都堂。識所謂海魚九尾者。

四日乙丑，問前省官事。

五日丙寅，問前省官事。巳刻，寥休上人來自南庵，諸相

就謁於龍光北寺，識所謂溫庵主者。未刻，有旨命宣撫

姚樞赴省同議軍須調度等事。姚字公茂，柳城人，資明

大理有佐命，至元改元，轉天下官，公力為多，上嘗曰：公

茂善談論，物之圓者只說枘來，官至中書左丞，終翰林

承是日左司都事楊恕傳都堂鈞旨，令憚草移宋三省

牒文，向夕陰晦，大風其牒，草云：大蒙古國行中書省移
 宋三省皇帝即位之初，重惜南北生靈之故，一視同仁。

和濟集
首主和議特遣信使敬奉國書講信修睦往年征進大
軍即令分還本屯仍嚴勅邊將非奉上命毋得妄動爰
自行人銜命以來載更歲律寂無來音其餘講修之事
將如何哉不惟有失忱辭反啟邊釁釁以致攻圍我上石
侵軼我鄧鄙襲華陽擾隨州劫掠真陽數犯連水皆出
於使輶已入彼境之後夫信與義自古所恃以為國者
也一旦捐棄曲直所在自有任其責者矣若和議可必
即當連遣重使與我行人偕來其或逗遛歲月別有異

議請選師徒具戈甲預致師期相與會獵於江南之地
可也於斯二者惟所擇焉比來閩將屢請出師以報侵
疆之域省府謹守聖訓弗允所請不識日者數舉果何
為而然耶今大駕北狩已是南遷陛見之日何以為奏
冀早示定議毋坐失良圖以貽後悔

七日戊辰卯刻百夷奉使劉方成行已刻入見多所陳
奏皆常例事內一條禁不得以馬挽車引碾及無故屠
宰重兵力也是日發郎國遣人乘即獻卉服諸物其使自

本土達上都已踰三年說其國在回紇極西徼常晝不
 夜野鼠出穴乃是入夕人死衆竭誠籲天間有甦者蠅
 蚋悉自木出婦人頗妍美男子例碧眼黃髮所經涂有
 二海一則踰月一則暮月可度其船艘大可載五十百
 人其所獻醖葷蓋海鳥大卵分而為之酌以涼醕即温
 豈世所謂温涼蓋者耶上嘉其遠來回賜金帛甚渥是
 日懷孟路勸農官王秉中字仲來王相令訪問枋口去
 路六十里屬濟源縣所開水利即令溉民田幾何仲撫

曰水舊名古秦渠蓋魏末司馬孚創修至隋盧賁復開
 治唐太和間河陽節度使大加疏導溉河內河陽温濟
 武陟五縣民田五千餘頃宋天聖初枋堰始壞至是仲
 撫復為起廢又云初興役特掘地丈餘得柏枋數十段
 稱曰枋口豈因是得名乎是夜內庭官忽魯不花不令吉及
 第二子時年三十一歲飲諸相於省中既夕繼之以火二鼓方散
 八月己巳對問前行部尚書馬月忽乃事所牒宋三省
 文移河南宣撫史公令改作經略司牒宋淮東制司施

行就令選官充詳問官者。經略公以太原士人崔明道為使。南京兵馬副都李合義貳馬以往。其意蓋以或有

牒之則後無繼焉故也

堂議中書出政之地。人雜選莫能禁。奏往

令怯薛丹二人監約省庭間。自是中省之務頗清肅焉。

是日都堂命惲編類歷代水利營屯田漕運錢幣租庸

調等法。及漢唐以來宮殿制度等事。已刻上御萬安閣。

四川楊侍郎遣其子以弓矢等物具表來獻。及迴上以

手詔答之。楊大淵省表具知。朕恪守王封。遽膺推戴。即

位之始。不遑康寧。惟爾遠戍邊陲。久服戎政。身心外內。

來陳賀章。宜加寵答之辭。以勵忠貞之節。故茲詔示。想

宜知悉。又一回紇醫者。貢橐駝三十頭。鞍具幪帕全。光

彩照地。鳴鼓吹螺。自皋門而入。又一回紇贄粟色宛馬

八拜。玉面鹿身。聳立如畫。所謂脫必察者也。申刻。省起

諸相候廉右丞疾。

九日庚午。推問馬月忽乃事已。是日皇弟摩哥大王世

子昌童封永寧王。仍改父玉寶為金印。命惲討論古今

諸侯王印制。遂製紐為駝。作三臺。其文曰永寧王印。今日辛未。堂議欲以元寶鈔背用關防印誌。既而議不便。但令比戶粉壁。嚴偽造之禁。從楊宣撫果議也。有旨遣上都同知阿合馬。計點燕京萬億庫諸色物貨。十一日壬申。堂議曰。古者天子有八寶。蓋所以崇天授而鎮萬方也。今朝廷所用。止一寶而已。欲議奏令印工季并餘寶皆刻而為之。用古文奇篆。殆受命璽然。憚曰。此非可輕議也。又務繁。需再議焉。已刻上手詔宣諭四

川侍郎楊某曰。勇冠諸將。名配古人。知大義之可為。籍諸城而來附。獻以金帶。示以誥牋。載詳終始之誠。宜示褒崇之禮。可特賜虎符。充夔府路行省兼安撫。勾當更宜招懷未附。共底丕平。但桑蔭不移。而能立其功。雖節土至重。而朕無所惜。其賜卿某物。至可領也。諸相大合食。遣官巨僚於都坐。皆霑醉而罷。

十二日癸酉。有旨先召首相二三人入朝。餘俟命於省署。既而以大宴不克見。上都留守同知阿合馬兼太倉

使請立和雜所以溢廩庾堂議以曹人李亨字通甫勾當和雜事改和羅為規措所亨修人事極經畫已而粒米狼戾少尹愛其能焉

十三日甲戌究問前省官一切事理皆有定論令左右司官具奏目然後詳聽已上聞以見上下通知故也午轉大雷電以雨且有電蔽地向夕內省官忽魯不花傳旨令前省官及諸路在都管民等官詰旦集闕下以聽聖訓明日乙亥寅刻詔罷東平路管民總管兼行軍萬戶

嚴忠濟仍勅戒諸路官寮無是效焉國有常刑犯不容宥不嚴某初授制辭有云爾父承國家興運左右將士同心戮力封植東平屹施為名藩我祖宗嘉爾父之功乃建為侯自爾嗣位又廿年朕初即政復命襲爵往即乃封敬之慎之其修德砥行自立名節勉圖後效無忝先猷至是未見顯咎遽為黜罷或者不知而異焉未刻諸相退朝圓坐按問李宣撫王正之等事既而廉右丞傳旨召平章王文統遂入見上於香閣夜漏下廿刻方退

十五日丙子，誅東平經歷官邢衡銓。初，邢以事告參政張易，詰對於上前，邢款服命諸相監戮於都城東十里外，張手割其腹，從初請也。
十六日丁丑，兩廡右丞耶律中書張參政王平章推考定奪諸路戶口等事。
十七日戊寅，諸相復定擬大明西京北京賦稅戶口，未刻藏春仲晦來朝，諸相就見於李虞卿宅，略話而退。是日已刻，上臨軒親諭諸路總尹，遂以前東平總管嚴忠

濟弟忠範為東平總管，仍戒之曰：兄弟天倫，事至於此，朕甚憫焉。今予命爾尹茲東土，非以訟受之也。彼所責匪輕敬哉。今而後苟不克荷，非若汝兄幸而免也。至是知忠濟之失，皆為其弟所發。因各賜馬，酬慰遣。復有改故從新之諭也。

十八日己卯，晴暑。上召前濟南宣撫宋子貞、真定宣撫劉肅、河東宣撫張德輝、北京宣撫楊果於內殿，以擢用

輔弼為問。楊果等前奏曰：王文統材略規模，朝士罕見其比。然以驟加登庸，物論不無新舊之間。如史天澤累朝舊臣，勲碩昭著，若使宅百揆，大壓人望，令文統輩經畫其間，則省事成矣。上曰：置史某相位，念之久矣。卿等所言，允協朕意，因賜食而退。十九日庚辰，入見奏裁大拜及六部事，詔以世臣不花經略史天澤為右丞相。不花時三十三歲，憲宗朝怯薛丹長領斷事官，其祖太祖神元皇帝朝功臣，父也孫禿。

花，憲宗朝萬夫長，忽魯不花，耶律鑄為左丞相，忽魯不花時年三十一歲，父不令吉及官人塔察兒，庶右丞平章政事。塔察兒時年廿八歲，其父憲宗朝世臣千夫長張參政為右丞，宣撫楊果，宣撫商挺，參知政事，餘如故。是日諸相入見，將退，上慰平章文統曰：卿春秋高，恐勞於奏請，今後可運籌省幄，若有大議，須面陳者，及朕有所咨訪，入見小事，令人奏來，不必煩卿也。上以王姬下

嫁午刻，幸新桓御營。

廿日辛巳奉旨命承旨王鶚定撰諸相制詞。廿一日壬午時暑闔省大燕慶新除也。時既相史公所事皆倚重焉。丞相曰：天澤武臣，何克負荷，但物務未安者，老夫通譯其間，為諸君條達耳。相則予曷敢當，衆愈服其謙抑，皆霑醉而散。是晚承旨王公命惲賚所撰制詞呈省，其文通作一卷，實封細銜書名，上用院印，或問焉，曰：白麻蓋自中出，令實封防其外泄，亦唐人鎖院之意也。既披詳，或欲有所更定，惲力言其不可。昔楊億以

一壤字不勝其慙，況改作乎。第修飾之可也。其史相詞頭有惟卿世篤忠貞，材兼文武，樹戰功於疆場，卿力良多。論機務於廟堂，朕心允協，宜示百僚之式。俾居諸相之先，可特授中書右丞相。卿其振紀綱，崇體要，往服新寵，以壯舊猷。庶希憲惟，卿秀拔父兄，學尊師友，往綏諸道，視民一似如傷，就建行臺，臨事毅然有斷，宜從政轄。進署相銜，可超授平章政事。惟暨乃心，以答朕命。揚果擢秀詞科，馳聲劇縣，佐南州之經略，才已見稱，專北郡

之撫綏人皆受賜政之參決僉曰汝諧可特授參知政事祇服罷休益思報稱

廿二日癸未申刻堂議定省規一十條

其一曰凡三日一奏事軍國急務不拘此限

其二曰置勤政簿一扇凡公議已定事詳見於簿讀

一譯不得增減言得旨標題於逐款之上還省立檢

圓覆定行

其三曰圓議定時首領官先擬定其事自下而上相

次剖決議定題押批判若事關利害情見不同者各具奏稟

其四曰圓議時非定員不與知本房者不在回避之限若事涉機密者已次請退

其五曰同僚赴省日出為期停午乃起旬一日暇事遇急速不拘此限有疾故者須令報知庶免延待而已

其六曰省府官并屬官各家不許受詞訟公文

其七曰如遇闕員圓議公選不得用門下人補充
其八曰省府通譯史額定選充餘者不與

其九曰奏事上前宣讀通譯人各一員
其十曰凡告事說事者聽畢避其人公議定然後回
答僉曰所畫理到遂施行焉

廿四日乙酉巳刻奏准粘合中書授平章政事北京行

省前歸德府官民總管張子良為河南宣撫使

張字漢臣以名

行午刻令郎中賈居貞照勘一切換授宣牌事無有稽

緩

廿五日丙戌平章塔察兒日令參政楊公說通鑑三五

段是日至吳太子明室中鼠矢事塔公掩卷曰我試為

論之與正說合一省為屬目蒲散禧起燕京帑藏至上

都辰刻上觀於內藏喜甚曰自國朝開創以來未有如是

之多也申刻平章廉公郎中賈居貞掾高明赴新拒御

營奏事堂議專委參政楊公定奪內外新舊官資是日

諸相授麻制於都堂詔下中外稱賀不勝其喜曰自國

朝開創已來論其得賢於斯為盛時有言綦陽鐵官不
便者大抵其民皆殷實上戶歲官得鐵甚鮮不能當歲
輸包絲稅石之數若用此易鐵可增官煽數倍之上堂
議曰若奏上朝廷即從然不重慮恐未免橫議仍令憚
與工掾李鼎計勘一歲常課所造幾何橫造幾何一歲
通可用鐵幾何在都廣備庫見有鐵幾何且可支幾年
用度其外路應有鐵貨可支幾年用度既已公曰未也
若今民間興煽官為抽取凡幾爐一歲通可得鐵幾何

既已公曰未也若都除內外見有數目止以民間一歲
抽到鐵數可供幾年正橫造作用度既已公曰未也若
將治戶合人差稅取酌中價直一歲委可易鐵幾何有
無少餘既已公曰未也更為積算一歲合用礦炭支役
且以酌中定數有無虧損官民既已公曰未也更為大
約鐵官一歲及上下一切侵漁培克虛耗官物幾何既
已公曰可也明日奏上果有恐失悞造作為言者以是
應之遂罷治戶歸民因訓憚等曰書生論事大概不差

及詢其所以方略鮮有不遲疑者若將讀書苦心務之
治此只一燈之功爾於政事何有汝等勵精焉可也何
患茲位之不到哉是日不魯海牙授御史大夫兼大司
農省諭一切言告事人不得私家請謁投訴遵新令也
廿七日戊子亭午右丞相史公赴永寧王營授改鑄駝
紐金印餘相圓坐照對燕京路民賦未刻掌記魏初來
自燕城申刻定議公府署押事右丞相史公與丞相忽
魯不花五日輪番一秉筆長官從上押右者處外邊一

左一右以次而下圓坐亦然所謂廟坐廟畫也日將夕
有大流星隕自巽位白光照野移時方散是日劉宣撫
才卿說前朝省府各房止立鈞旨簿無行卷六部應呈
事務左右司官議定可否粘方帖子部呈上書送字得
都座准議省雜批鈞旨於後其在右司元書送帖亦不
揭去用省印傳其上蓋上下互為之防然後送部施行
燕京路宣撫徐世隆威卿說舊日戶部設審計科以料
週歲所入幾何經費幾何遇有支發至十萬貫部方呈

省大抵係常例有定體者。如百官貫石之類是也。外郎邢敏說。舊日郎中與外郎都事另幕坐。是年秋與郎中不同處矣。及有所編省臺定式。亦有可取者。劉宣撫又說。舊日殿上奏事。止左右兩司郎中。其人賢。遇執政有關。即拜參知政事。

廿八日己丑。右丞相史公首秉判署。是日命掌記魏初。令史馮崧執掌奏事諸簿。午刻奉旨定擬中行兩省去留人員。抵暮。張右丞下朝。說所奏事。天顏甚喜。交史丞

相張左丞楊參政留中。王平章廉平章張右丞行省事于燕。

廿九日庚寅。催督中外一切未經換授宣牌等事。恐留難故也。省退。王相置酒私第。會劉才卿宋周臣姚公茂王百一竇漢卿張耀卿許仲平李士都。益留別故也。是日嚴忠範授東平路總管。李士都授翰林侍讀學士。其制辭曰。李祖學禮傳家明經登第。練國家之典故。經士行之操。修方當青史之編。宜與玉堂之選。宜公褒貶。以

示勸懲

夏六月辛卯朔卯刻艮方有青紫二氣橫亘間錯長表數十丈移時弗散已而霧雨交作不見天官書云凡星變氛侵三日內有雨大小凶咎即亡嘗以理推之乖則致異和則為雨既和而雨其災自無經曰往遇雨則吉是也

二日壬辰晴暑詔賜木苑_{不苑}大王馳紐金鍍銀印其文曰建昌王印時王見征戍大理諸部建昌雲南之別稱也

都堂為諸投下種田戶奉旨逐款施行

一阿木魯拔都魯為頭眾探馬赤官人每乙未年皇

帝聖旨為逐官出氣力上撥到種田人戶擬自今後

每年除絲綿稅糧照依舊例合納包銀內一半納官

一半給付本官用度

阿木魯拔都魯

李里匣免拔都

濶濶不花

孛羅口

怯烈歹

撒及四不花

這裏四迷

按察免

持不哥兀

別五古互

也里乾男塔丑

國醫不并

老鐵只

一有幹只思皇后下民戶八十五戶內六十戶元係
 牙刺瓦赤全定包銀來今擬將合內包銀內一半納
 官一半赴本投下送納外有諸雜戶計二十五戶內
 打捕一十一戶依舊送納絲糧隨營一十四戶種田
 納稅買賣納商稅

一有阿吉赤大王奏告為先奉聖旨於太原路五戶

納絲支與皇后合數銀一百五十定內除支訖外欠
 一百二十定仰于本路五戶絲料內中統一年為始
 分作三分年放支與者外據種田民戶二百一十戶
 合約稅糧數目令本位下就用除已行下放支外仰
 照會施行絲線包銀與其餘民戶一體科撥
 一有塔察免大王奏漏籍戶事仰依已行詔書體例
 行者

一有阿刺合赤妃子從嫁民戶差發并匠人關取係

官絲線織造段足本投下送納事。仰就便取問本位下人員。據上項民戶差發。若前斷事官定下全撥。今擬減免一半。如已定減半者。今擬全免外。據匠人依前開取係官絲線織造段足。赴本投下送納者。

一隨路應有金銀銅鐵丹粉錫碌等窰冶附籍漏籍民戶。盡行罷去。分付元附籍地面官司。應當差發。今後許令諸人等有願入狀採打煽煉。不用官本及占役百姓者。據所得數目。官為斟酌抽分。若元管頭目

等願入狀不用官本及占役百姓與煽者。聽如不願者。許他人入狀承認。

一河南路管下舞陽等處栽薑戶。仰與民一體當差。每年合用生薑。就燕京官為和買。

一諸投下壬子年附籍軀口。仰照依先帝聖旨。於各路附籍處依舊例當差者。

一張抄免赤奏隨路樂人差發事。仰行下各路宣撫司與民一例當差。止免雜役。仍仰各處官司都不得

因而搔擾不安。遇有樂人赴闕承應，官司斟酌與起發者。

一忽都花奏有茶罕元撥與孛羅歹壽州民戶內附籍三十一戶。見當絲線包銀稅糧外，有漏籍三十一戶。內有打水獺一十戶。乞定奪事。仰照勘附籍民戶別無爭差。依種田戶例送納絲糧外，據包銀一半納官。一半與本官用度。所據打水獺戶不須打捕水獺。與其餘漏籍民戶一體於該管官司當差。

一藤花戶交各處官司與民一體當差。仰斟酌氣力約量料取。加存恤外，據年例合用藤花仰所屬地面官司從長計置。趁時採摘。依數送納。毋致滅裂。採取闕少用度。

一火赤達刺罕大名府民戶五百餘戶。每年除納絲線稅糧外，不納包銀。止納軍漢車銀二定二十九兩。次後斷事官按脫定下與民一體當差。仰依元行例與民一體當差施行。是日未刻奏定。左右三部尚書

等官

大興漢東官制部宗不與方一節當差以計元行四
餘詳對事不隨也雖五輪軍對車羅二宗二十五兩
一火亦對件早六官秋月百五百檢文母平新餘檢
關之國矣

秋澗集卷八十一

九月初旬校定此卷

欽定四庫全書

秋澗集卷八十二

中堂事記下
元師王惲撰書

三日癸巳京兆參知政事商挺字夢卿子叔子馳奏關陝重地

大亂後餘風有未殄者非庶希憲不能鎮撫中外右丞

相史公以聞允焉未刻復入見平章王文統請庶希憲

依已議同政不許遂以左丞相耶律鑄代庶赴燕是日追謚

魏瑄

魏瑄曰靖肅先生當改後從此

四日甲午有旨趣平章王文統南行於是定省府掾屬

去留者是日燕京路宣撫賽只兒同統之有良德者自云世家同中國之有

孔子宗系累朝為斷事官輕財安民甚有人望後以平章政事終于雲南真定宣撫劉肅授

吏戶禮三部後尚書以上都太倉使宋紹祖邢人郝子明

為郎中益都等路宣撫宋子貞授兵刑工三部尚書以

太醫院官焦仲益李子敬為右三部侍郎劉前進士自職官勾補省

掾北渡後佐東平幕上聞其有經濟才召治邢州省部之建諮其議論為多

五日乙未左右兩部官望謝恩命於省中都堂為諸投

下招收人戶取索錢債奏奉聖旨諭十道宣撫司今體

知得諸投下差使臣告奉到聖旨及令旨文字不經由

本路官司徑直於州縣開讀拘刷民戶人匠便行拘收

起移及取索錢債搔擾為此特降聖旨今後遇有各投

下拘刷起移民匠取索錢債先須經由本路宣撫司行

下達魯花赤管民官不係大數民匠合拘刷起移者依

上拘刷並不得似前徑直於州縣一同搔擾如委實不

係大數合拘刷起移底民匠各路官司却不得遮當外
據錢債公事不得一同拘收人員取索若委係已身借
過錢債照依先降聖旨於宣撫司定奪立限歸還違者
並行治罪已刻雷雨大作其驟烈可怖
六日丙申入奏行臺一切事理其旨有云管民官管軍
官鷹房打捕諸色造作一切大小公事並聽行省從宜
處置申刻宋劉二尚書來謝王相曰公等皆朝廷遴選
謝于私門未敢聞命辭不見

七日丁酉奏准八座職印以白金作三臺鑄造其方寸
皆從品秩有差午刻藏春上人以王相南下令僧逸以
良馬二疋來餞陞戶部員外郎王煥為左三部郎中是
日加尚書賽典只司農卿領左部如故從再請也
八日戊戌益都申宋人侵軼漣水與戰敗之是日追謚
前經義狀元李俊民為莊靜先生云云先生字用章獲
澤人明昌間進士道號鶴鳴老人在河南時於隱士荆
先生傳皇極數學已未間聖上在潛令張仲一就問禎

祥優禮有加。至是先生已歿，其言盡徵，故有是命以旌其德。學云：初張辭去田，繼請以蒲輪來起公。先生笑不答，贈詩以見方來。其辭曰：丹鳳啣書下九霄，山城和氣動民謠。久潛龍虎聲相應，未戮鯨鯢氣尚驕。萬里江山歸一統，百年人事見清朝。天教老眼觀新化，白髮那堪不肯饒。明年正月，先生卒於家。愚觀其遺書所得，蓋康節之傳云：嘗與劉尚書才卿講究焚黃故事。劉曰：間嘗聞之高士美云：其勅之全式尚書省牒，故某官某職某

人牒奉勅，可追謚某名。牒至，准勅。故牒年月日後備具。街相卿圓押，其勅封上題，給付某人第。其子孫錄全文如式。火于本官家廟以告，謂之焚黃。

九日未刻，右丞相不花來約王相行期。平章以行臺未辦事，同丞相赴省議決。申刻，右相不花入朝見陳馬遂。授濱棣勸農使，陳君錫大名宰懷州，劉淵西京。

十日庚子，諸相座省。劉尚書議部官署押事，王相為裁定焉。辰刻，得宋荆湖制使與右相史公書，并公文所贈。

遺禮楊時宋景定二年也。具其事以聞。是日高麗世子植來朝。詔館于都東郊官舍。從行者一十八人。選必閣赤太原張大本。字仲端美丰儀。辯而有文采。為館伴焉。繼命翰林承旨王鶚。郎中焦飛卿。搆慰有詔。翼日都省官與高麗使人。每就省中戲劇者。

十一日辛丑。都堂置酒宴世子植等於西署。其押燕者。右丞相史公。左丞相忽魯不花。王平章。張右丞。張左丞。楊參政。姚宣撫。賈郎中。高聖舉。從西榻南頭至東北作。

曲肘座。掌記王暉。通譯事李顯祖。皆地座。西嚮。其高麗世子與參政李藏用。字顯甫尚書李翰林直學士南榻座。

亦西嚮。又有龍舒院書狀等官九六人。尚書以下三人。皆襪而登席。相次地座。酒數行。語既不通。其問答各以書相示。丞相史公首問曰。汝國海中。所臣者凡幾處。軍旅有無。見征戍者。掌兵者何人。官號何名。參政李藏用對曰。掌兵者金氏。史曰。豈復猶以莫利支為名乎。曰。此名廢去已久。其官亦皆帶樞府兵部之號。史曰。聞汝國

亦嘗與宋人通好然曰乎但商舶往來耳平章王曰汝乎
 國今歲亦收成曰仰賴聖恩雨暘時若溥霑豐稔又曰
 聞汝國用宋人正朔然乎曰第商人私有賫至本方者
 實不為用耳參政楊公曰聞汝邦亦設科舉曰然曰今
 歲試題為何曰賦則某題論則西門豹為政其炎如火
 詩則天砥礪兆民也又曰除詩賦策論外科名極多如
 經學陰陽醫方武舉筭學之類皆是也宣撫姚公曰傳
 聞汝邦有古文尚書及海外異書曰與中國書不殊又

曰聞聖上近賜餼牽想已饜飫曰悉亡之矣曰博塞亡
 之乎讀書亡之乎曰博塞亡之矣遂哄堂大笑左丞張
 公問曰汝國王世系說是世臣肩裔曰非也其來是唐
 順宗第十三子逃難而立於此以王家後易姓為王時
 李參政手持玳瑁聚翠史相曰執政官當以端方表德
 今所用非方非圓或聚或散何居李不能答有頃即以
 葛藤語亂之實歸辭也其世子與李參政衣白縠上衽
 袍冠則漆紗圓頂巾履烏皆以絲為之帶則烏犀小草

也其李顯甫面滿月白皙鬚髮皓然年十八以詞賦狀元第時六十一歲通禪學善作詩蓋世子之岳翁也酉刻皆霑醉而去其導從儀物張蓋乘馬馬首復持一大紫蓋比常蓋四垂極長問之曰引蓋也名曰儀則執明日諸相入見上聞燕語甚懽遂以手詔玉帶遣還制詞有云出水而陸去危就安且寬漢法之拘續議楚宮之作蓋准元年先奏便民之請也至元七年朝廷遣平章趙璧字弘道終太子賓客徙王都於海西岸江華島一炬

為焦土矣

十二日壬戌辰刻耶津中書張左丞傳旨今後應奉朝旨如無御寶并印信文字不得輒行未刻王相陞辭皇太后及皇太子於青宮太子慰獎甚厚有元老克壯謀猶之諭申刻復入朝遂陞辭焉遂出自南門郊餞者庶平章楊參政賈郎中及留冬諸掾屬比至南平藏春令左右迎候於道者踵相接也上人待遇甚恭極賓主之禮十三日癸亥辰刻齋畢而去

十四甲子藏春來自南菴午刻會食史相行館寥休日
以灑墨玉孟學贈公及觀所作玉鏡命諸公賦詩西菴
有幸自得辭塗抹手照人母用太分明之句仲晦為忻
然也

十五日乙丑欲移寓太醫使王儀之館舍史公不許令
與參議納合君同寢處者四十餘日時憚官陳言文字
就命日左右楊相權供中舍之職

十六日丙寅詔封保定張柔為安肅公制辭曰大夫當

七十之後致仕則宜國家列五等之封攷勛而授張某
功成百戰眷荷累朝方深補袞之思遽有懸車之請宜
䟽上爵用答元勛可特封某公致仕事業一時宜使古
今之獲寵子孫後世要知忠義之可為宜保永年以全
耆德濟南張榮為濟南公其詞曰大夫謝事得進退之
宜國家定封明始終之義某官功高舊德教備義方方
深分閭之期遽有懸車之請宜䟽上爵以示殊恩可特
封某公致仕廣及子孫常保山河之世名垂竹帛永為

忠義之門。頤養遐齡。保全耆德。

十八日戊辰。權中省都事趙謙得腦瘍。極熾。憚與揚都司誠之。求療於太醫王儀之。遂以真定麻澤民與視。凡三詣。往馬蹕及門。中使促而去之。自是澤民內侍。不得出者旬日。趙之疾遂無及矣。携一僕既老而癡。時臭惡聞戶外。予絮兩鼻孔為湯藥之。夜則對榻而卧。伺其緩急。義之所激。曾弗之倦。

十九日己巳。堂議選中省兩司都事。遂以左司授憚。此出史揚二公雅意。辭曰。據某何人。過蒙擢用。得文翰職足矣。

廿五日甲戌。都堂奉旨諭各路宣撫司。宣聖廟國家歲時致祭。如月朔釋奠。且恒令灑掃修潔。今後禁約諸官員使臣軍馬。毋得於廟宇內安下。或聚集理問詞訟。及褻瀆飲宴。管工匠官。不得於其中營造。違者治罪。管內凡有書院。亦不得令諸人搔擾。使臣安下。

廿七日丙子。都堂奉旨。夫五岳之中。恒屬其一。豐阜峻

極作鎮北土爰古迄今祀典存焉粵自國朝開創以來
祠祭之禮亦未嘗闕其岳廟中今後仰過往使臣軍馬
毋得安下搔擾毀折樹木及不得於看廟人處奪要鋪
頭口仍仰常切修葺毋致踈荒
廿八日丁丑都堂奏奉聖旨道與真定路宣撫司據懷
孟達魯花赤審里吉總管覃澄奏告管下地分多有屯
住蒙古頭目遇有關涉詞訟公事不肯前來對證往往
不伏勾追以致遲滯公事准奏仰遍諭諸路宣撫司今

後各州城管民官遇有關涉蒙古軍人公事理問時分
管軍官一員一同聽斷施行毋得偏向准此

秋七月丙申辛酉朔前河東宣撫使張公以怨家有言
去留維谷是日得行省諮保及史相濶左丞互為申理
奏准充行中書省參議方得解去良不易也嗚呼天道
冥冥報施其間令人有可疑者今張以正獲罪然聖人
所事不為過甚公豈犯此忌耶可不戒之哉其宣辭云
張德輝宅心剛正處事精明及居風憲之司遂有澄清

之志巨猾望風而屏迹。疲民受賜以到今，不示顯膺。何彰獨立，可特授翰林學士參議，行中書省事，尚資婉畫。庶底成功。其間令人背回，疑昔今異，以五難兼，然望入十七日丁丑，大司農左三部尚書賽典只，改授平章政事。制辭曰：兩朝眷遇，凡事精勤，常辦集於軍前，能經營於意外，欲旌成績，宜處台司，當奉至公，用遵大體，盡爾贊襄之力，副予委任之誠。至於辦集經營，當時論者謂於公甚為切當。公遂置酒，重以潤筆為答，惓謝不敏。

十八日戊寅，翰林國史院保雷膺與惓，充本院屬官。

十九日巳卯，石抹剛紇答授右三部尚書，制詞曰：望高門第，業不墜於箕裘，身侍禁闈，勞久服於歲月，宜分膺於三部，俾庸列於六卿，可特授某官，當副朕心，毋瘵厥職。

廿日庚辰，行省諮者數事，都堂議有可否。史公曰：雖分兩省，其實一也。若非關利害者，不宜妄有阻駁，使王事成就可也。今後凡行省所諮，須三日內咨報，自是上下

云為如流水之源矣。予當時嘆賞以為不多得也。

廿一日辛巳有旨世臣買住孩兒

禿花太傅姓耶律氏在前金時成桓州官

愛里德漢語守成長也其後與一十八人從太祖神元皇帝同飲於黑河子於佐命元勳公其一也買住即保傳第二子早卒其子明安反免時年十有三歲今衛輝路總管耶律漢傑即其兄也聖旨宣諭了

也教省家與文書去者其制詞曰我家當開拓之初乃

祖有經營之力人今不見功豈可忘雖爾身未及成人

在朕心忍令無後姑承舊爵用顯元勳直須長立之年

許領職司之務

廿二日潤潤學士授中書左丞潤潤字子清時年三十

九歲嘗受學於王百一張耀卿其父潛邸舊臣世為阿

塔赤漢語羣牧所官也

廿三日癸未鄭江授侍衛官其辭曰鄭江職在承宣誓

從征後跡去易就難之意有忘家憂國之誠不示褒崇

何明勸激就帶已降金牌充侍衛軍副都指揮使同判

武衛軍事景州軍民長官如故更宜戮力以奏膚功是

日有旨與老王姑護持玉華宮聖旨其詞曰煉師王者

道婦賦性純正，執志不回，挺挺然有古烈婦之風。奉侍我太上皇、皇太后，積有年矣。周旋之間，曾無過舉。當時雅為敬重，使之入道，為此先帝常加賜予。已勅令真定管民官選擇佳地，起蓋宮觀，資給衣糧，仍以玉華之名賜之，以為我家祈福之地。朝夕焚誦，用報我皇考妣罔極之恩。所在有司，宜加持護，毋容它人妄相侵奪。毋以差役相毒，以致不安常教。告天與皇家子孫，祝延福壽。准此。

廿五日乙酉，權中省都事趙謙終於上都客舍。憚為棺斂，并封視隨行衣裝，請于郎中賈君仲明蒙賻錢千五百緡。

廿六日丙午，遣送趙君焚於都城東十里外。回適趙氏親知徐總管者至，其僕與所封裝篋付焉。

三十日庚戌，時前軍儲所官塔塔兒、兀朮忽乃昔刺必闡赤馬月忽乃等爭相為用。丞相史公與濶左丞議曰：今南邊極遠，江淮又不用兵，所事宜廢。至於異時征進

一行部官可辨既而中止特旨以前都運周惠子錯領其事
七月廿七日丁亥前大名路宣撫使幕官雷膺前東平
路宣撫司同議權詳定官王惲同日授翰林修撰雷詞
頭云家學有傳士行無玷昔年詩禮已聞鯉過於庭階
今日絲綸復見鳳毛於池上可特授某官同知制誥兼
國史院編修官宜振斯文以弼予治王詞頭云行已無
忝博學能文顧超絕之逸材足鋪張於偉蹟宜司綸命

以贊皇猷猶可特授某官同知制誥兼國史院編修官當
振斯文以宣朕命承旨笑謂膺等曰汝二人可謂佛子
出世矣惲等謝不敏既而奏准行翰林院事中省既以
院印授承旨公因與惲議曰前朝士人無幾若比老使
得霑一命儘有光矣遂保奏廿餘人擬為隨路提舉學
校官是日有詔照會立翰林國史院道與翰林承旨王
鶚據保奏翰林院官修國史事准奏收拾者在這裡底
先與職名者外未到人員候來時定奪今開坐元保人

數并已除翰林院官職名如后

翰林院官職名如后

翰林院官職名如后

翰林院官職名如后

翰林院官職名如后

翰林院官職名如后

翰林院官職名如后

翰林院官職名如后

一未除見收拾

王磐直學士

孟攀麟待制

胡祗通應奉

右仰照會收拾者准此

承旨王公字百一曹州東明人知人榜詞賦狀元皇帝

在潛時首以禮幣徵焉以老儒故上甚敬重每見以狀

元呼之以元年七月受是職公上章言修史事云自古

國亡而史不亡。唐取隋史焉。宋取五代亦然。金不為遼作史。至今天下有遺恨。我國家以神武定四方。皆太祖聖武皇帝廟謨雄斷所致。若不乘時紀錄。以詔萬世。切恐歲久。漸至遺亡。又舉前朝名筆數人。於是上特降是詔焉。

廿八日戊子。丞相史公遣修撰雷膺送安肅濟南二國。公誥命。公曰。若所有潤禮。汝二新人中受之。且代光院之贈。

廿九日巳丑申刻。丞相史公卧閣中。前刑部馬月忽乃來謁。辭不見。曰。若公務當於都省相見。

秋八月丁酉辛卯朔。徵君許衡授懷孟路教官。制曰。許衡天姿雅厚。經學精專。大凡講論之間。深得聖賢之奧。受罰者。恐陳君所短。為盜者。畏王烈之知。所在向風。真堪正俗。可令于懷孟等處。選揀子弟俊秀者。舉歸教育。取作範模。再令董子惟前。有傳授之子弟。重使王通門下。皆經濟之名臣。毋喪斯文。以弼予治。竇傑授太子少

傳制曰德全天懿學得聖傳文章足以徽帝猶言行足
 以為世範屬周世本支之盛要漢家羽翼之成宜導春
 宮用嚴師訓可特授太子少傅早為諭教當自誠心左
 右前後皆正人宜公所選干戈羽籥在東序行見其儀
 以上二篇皆揚公西卷筆也宣撫姚樞授太子少傅制詞曰姚樞天
 彝素厚聖學有傳能全踐履之功發自誠明之性養成
 耆德無非禮樂詩書當侍春宮爰置左右前後可特授
 某官要明早諭以贊元良用傳震索之祥得繼離明之

照

二日壬辰奉旨諸路學校久廢無以作成人材今擬選
 博學洽聞之士以教導之凡諸生進修者仍選高業儒
 生教授嚴加訓誨務要成材以備他日選擇之用仍仰
 各路官司常加主領敦勸隨頒降從六品印信勾當
 癸巳提帥汪某授鞏昌路便宜都帥其制曰某官勲高
 再世勇冠諸軍向因犯順之徒遽起稱兵之釁賴茲戮
 力殲厥渠魁及當來觀之時殊乏自矜之色觀其誠赤

深可尚嘉。就帶已降虎符，可授鞏昌路同簽便。且都總帥事，宜盡贊毗，以裨遺逸。垂功名於千載，萃忠義於一門。尚副朕懷，以固吾圉。

甲午，奏遣宣使王好禮、閱鄧州軍實，仍送萬戶史權、改授江淮大都宣命，乃獎諭軍將等，詔其辭曰：朕即位之初，深以戢兵為念。故前年遣使於宋，以通和好。宋人不務遠圖，伺我小隙，反起邊釁。東剽西掠，曾無寧日。朕自還宮，諸大臣皆以舉兵南伐為請。朕重憫兩國生靈之

故，猶待信使還歸，庶有悅心，以成和議。留而不至，今已一載，往來之禮遽絕，侵擾之暴不已。彼嘗以衣冠禮樂自居，理當如是乎？曲直之分，灼然可見。今遣使往諭，卿等當整爾士卒，礪爾戈矛，矯爾弓矢，約會諸軍，秋高馬肥，水陸分道而進，以為問罪之舉。尚賴祖宗社稷之靈，其克有勲。卿等當宣朕命，明諭將士，各當自勉，予其大賚。汝仰下項把軍頭目，毋替朕命。

四日乙未，前奉使賀某復授宣諭大理國使，其詞曰：賀

某幼懷奇節，筮仕昌時。及知遇於先朝，遂撫綏於大理。揚威絕域，昔收定遠之功。服事彤庭，屢抗伏波之請。旌前効，俾煥綸章。汝其宣暢皇猶，洋溢方外。爰體綏懷之意，以安遐邇之情。轉為招徠式副所託。示其對之靈五日己亥，承命旨，憚與某同撰釋奠諸文。某人所撰中涉論議，公曰：文自有體，此等文字皆是贊頌功德，不當如是。徐莞爾曰：不知謂我云何。至於散文，亦有三說。入作須若虎首，取其猛而重也。中如豕腹，取其釀而多也。

末同蠆尾，取其臨出螫而毒也。此雖常談，亦可為之法也。

六日丙申，詔追謚真定五路萬戶府參謀李大蔡州破

萬戶史侯救之免其詞曰：政書仕籍，聲振諫垣。至今於將被戮

代以有為，方之古人而無愧。適將擢用，遽爾愁遺。既乘

顯異於生前，忍使湮沒於身後。宜錫如綸之命，用增拱

木之光。可謚曰貞肅。魂其有知，歆此無斃。又同日復追

謚前監察御史中庸先生張特立。其辭曰：學有淵源，行

字正臣，襄國人。金進士，曾為近侍局大使。

無玷缺，雖經喪亂，不改故常。向潛邸之升聞，降璽書而褒重。未遂丘園之責，俄興寔寔之悲。宜煥絲綸，用光泉壤。可依前號中庸英靈。如在，寵數其知。又復追謚，故徵君魏璠。恬退自如，剛毅有守。常謂生前之不達，忍令死後之無聞。宜定嘉名，以光後裔。可謚曰靖肅。至令分

六日丙先生名璠，字邦彥，金貞祐初詞賦進士第。道號一峯老人。正大末，以修撰使武仙不屈。大元庚戌，上徵至潛邸，條陳三十餘事。如定官號、頒俸

又曰：農桑天下之大本，不可不重。是故明君重祿功罪，有賞罰。能否有升降，署治天下之急務。五穀而賤金玉，告訐之俗興，罰及無辜，僥倖之門啟。官及不善，漢之常平，宋之講筵，萬世可常行也。又薦中州名士大夫六七十人，今之施為，多出先生餘論也。今曾孫必復已為翰林修撰。七日丁酉，許教官衡改授國子祭酒。其辭曰：懿德素全，經學洞貫，視聽言動皆合禮。且進退周旋，舉皆中道。所

在滿禦寇之屨疇非趨董子之帷宜處成均以全樂育
 可特授某官務講明於聖道為矜式於國人
 八日戊戌太傅姚樞改授大司農其詞曰學明經旨德
 備天彝由本師而知名從王師而伐罪黽勉從事於今
 有年可改授某職務要克謹農時一遵詔旨民舉緣於
 南畝歲有望於西成庸厚民生以強國本無辜到朝之
 九日己亥鄭汝翼授大理寺丞其詞曰某官法律深明
 臺寺徧歷常謹少恩之戒共推斷獄之平任此舊人弼

予新政可特授某官且在簿書之際更詳朱墨之功今日

十日庚子賜高麗國王佛手詔時值權臣金氏之變其
 辭曰世居土東封自西周中國之姓雖更外邦之貴不
 闕向以權臣之專寵至於隻矢以相加卿慨發純誠來
 修覲禮敬于形色濟濟然殊可觀情見乎辭謙謙而不
 自伐且還舊服往紹新休可封高麗國王仍統治東方
 諸國如故尚服麗光益加奮勵

十一日辛丑徵君李治字仁卿藥城人前進士初公徵
至詢以時事但以真定木場抽

分官錢修葺文廟而已道號敬齋授翰林學士制詞曰某官秀擢巍科

力窮聖學據縱橫之文筆足潤色於皇猶况當青史之

編宜與玉堂之選可特授某官知制誥庶得腹心之助

以光綸綍之司

十二日壬寅劉秉恕授中書吏部侍郎其詞曰家學有

傳天資素厚向處副車之地已全製錦之功榮示褒崇

以明勸獎可特降金牌授某職兼邢州安撫使往膺朕

命母廢攸司儻中心不異於此時豈後寵反薄于今日

十三日癸卯太醫王儀之授太醫院判兼教授其詞曰

歷學精高儒術通貫肱不待於三折術已底於丕全久

侍禁闈共推惟耆德可授某官勾當尚傳素業用授諸生

儀之林慮人沉静有議論每有所陳裨益時政甚多

十四日甲辰賜劉元帥手詔兼宣諭夔府路新附軍民

人等其詞曰且土地定其疆固有朔南之異而父母愛

其子曾何彼此之分朕嘗以四海為家萬方在已凡有

來賓之俗敢忘同視之仁近因宋國之未臣遂致蜀川

之重擾。彼軍旅馬老淹於屯戍。彼民人馬力盡於轉輸。况值凶荒。舉皆轉徙。保聚山麓者。延生於歲月。潛匿澤藪者。橫死於風霜。彼君有味於天時。在朕心亦有其慙德。今茲劉整慕我國朝。既能順德而來。當副後蘇之望。市肆勿異。田里俾安。爾有貨財。毋令刼掠。爾有禾稼。罔使踐傷。諸回回通事人等。逃在彼軍者。許令自還。為良不屬。舊主除已行下陝西行省。常加存恤。不使侵攘。外今降金牌五。銀牌十。以旌有功者。當續具姓名。頒降宣

命。凡在軍民各處寧所故。茲詔示。想宜知悉。

十五日乙巳。董文炳授親衛軍都指揮使。其詞曰。某官性秉忠貞。才堪任使。積年事上。不違咫尺之天。今日定封當處爪牙之地。可特降虎符。授親衛軍都指揮使。同簽武衛軍事。尚嚴宿衛。益効勤勞。用副朕心。以成爾績。十六日丙午。宣諭歸附段實曰。向率我師。往臨爾境。重拒國人之請。以從城下之盟。款附而來。忠勤益著。庸示至優之渥。以彰同視之仁。尚修前効。無負初心。撫安已

附之民招集未降之衆國典有常卿其勉之以燕安
 十七日戊申宣諭青居山帥臣某官爰從變故明審事
 機携赤子以來歸保青居而不失要明實志屢立戰功
 儻不示於寵章何以旌其忠懇用錫虎符之命以彰鴻
 渥之殊餘如故尚盡乃心無瘳厥職儻忠心不異於始
 豈後賞反薄於前前通許屯田萬戶宋抃字文卿授某路
 勸農官其詞有天資忠懇儒學專精昔蘭省之荷橐久
 勤王事近柳營之積穀大備兵儲宜崇褒獎之恩以盡

始終之義其弟宋彰字壽甫屯田府諮議其詞曰明切事

機用輸誠款能釋樂成之業以明懷德之心宜示褒崇

取為勸激可充鄧州屯田總管下諮議兼招撫未降軍

民勾當更當自勉期有成勲終抑州邢州張安撫耕字

夫真定靈壽人年二十用資入仕以名臣子補俸職大元癸丑授邢州安撫使至是超拜以旌治效為人長身厚犯而不校改授吏部尚書其詞曰德備忠純材優經

濟及試臨民之職首馳報政之聲保安全於久廢之餘

集流亡於四散之後以茲明效宜示寵章可超授吏部

尚書兼前職仍易虎符以昭鴻渥往膺朕命恪守攸司
 十八日乙巳奉旨頒降中統權宜條理詔參政楊公筆也制曰
 事匪前定無以啟臣民視聽不惑之心政豈徒為必當
 舉帝王坦白可行之制我國家以戎旌而開建於禁網
 則闕疎雖嘗有所施行未免涉於簡略或得於此而失
 於彼或輕於昔而重於今以茲奸猾之徒得以上下其
 手朕惟欽恤期底寬平迺姑立於九章用頒行於十道
 比成國典量示權宜務要遵行毋輕變易據五刑之中

流罪一條似未可用除犯死刑者依條處置外徒年杖
 數今擬遞減一等決杖雖多不過一百七下著為定律
 揭示多方闕

闕

嗚呼六計周官所以弊羣吏之治三章漢法所以慰百
 姓之心詳酌舊規著為新制惟上令昭垂如日月則下
 情易避如江河雖曰從輕期於不犯咨爾有衆體予至
 懷故茲詔示想宜知悉

十九日巳酉辰刻同雷彦正游宣撫子明

平章政事

赴南平

山辭藏春上人時入壇不克見游於菴門外大呼曰師父顯等謹來拜辭時丞相史公第四子扛侍上人於此遂置酒相別比回朔風振野吹砂礫射人殆勁矢然寒已不可勝矣

廿日庚戌詣都堂辭諸相南歸

廿一日辛亥辰刻由都西門出是夜宿桓州

廿二日壬子抵舊桓州

廿三日癸丑前次半群頭取直東南下崖嶺夜半宿山南農家明日甲寅宿雲州張繼先家

廿五日乙卯自望雲泐龍門河南行入寒山峪遇大雨憇寒山遮舖午霽渡泥澗人馬縋而下挽而上登靖邊北嶺有虎突起澗東嘯而去人馬為辟易投宿碧落崖下崖峻絕方廣如畫屏然泉流縈帶環山根一匝秋稼已熟黃雲滿川蓋朔方之武陵溪也

廿六丙辰下十八骨了泥滑不能騎比至平地僕馬

為痛矣。行約兩舍，抵田家止宿。
廿七日丁巳，宿北口小店。明日踰灰嶺，試桃花峪温湯。
山間殊有奇觀，石為盤渦如碧玉盆者，非一壽藤灌木。
交陰左右，其水泉蓋潞河之上源也。是晚宿新店。又二
日至燕，粵自中元九月奉檄北上。至是年辛酉九月，凡
十有三日。實歷三百八十四日。

秋澗集卷八十二

初六日燈下校完此卷

欽定四庫全書

秋澗集卷八十三

元 王惲 撰

烏臺筆補序

至元改元之五年秋七月，憲臺肇建，於以配肅天德。用
昭太微執法之象，詔前平章政事塔察公為御史大夫。
曰中丞曰殿中侍御史，以帖赤木八刺撥灰貳焉。曰侍
御史曰治書曰監察御史，純用漢人。一切事宜率循舊

典其裏行十有二人令各舉所知以充員數侍衛史太
原高公乃以相人梁貞前翰林修撰左司都事憚俾膺
遴選方朝廷嚮治思有重之其監察到臺特詔廷見孟
以肅其氣優祿稍以厲其嚴朱衣象板雖以七品就列
秩望清峻天下事無所非當言者其出使四方佩金符
分屬掾馳驛傳中外具瞻凜然聳繡衣直指之望至有
恨其崇資不得與之同事者內則號下臺通論駁設六
察畫坊廂縱游警小大事月限以數於是騰草抗狀紛

番迭作霜逐簡花風聲動臺閣矣僕俛廁裏行頗收薄
用此受更凡三十有二月尸素既久具藁紛然併以外
臺所言一二凡得臺綱書記事狀時務等篇摠一百五
十餘章釐為五卷題之曰烏臺筆補客有覽而謂予者
曰昔人諫草往往削而去之子今是舉不幾於自用昭
晰以章時事之非乎予曰客何見之晚也裏行言責回也
人與言雖卑而微其見於此者皆本臺已行底至而不
遺者也故書之策正欲表夫朝廷寬忌諱重臺諫顧惟

堯言曾不少棄見乎微則至者可知已至於王政貴有恒辭尚體要予雖不敏中或有一得焉是又不可因已陳而廢之也客唯唯而退於是乎書以為序

烏臺筆補

監察御史王惲今呈謹集錄到御史臺典故條例上自秦漢迄於宋金凡七十三事逐一開列於左有可行於今者伏乞鈞覽采擇須至呈者

一古今名號更易

御史大夫秦

太司空漢

大司憲唐

御史府漢

憲臺後漢

蘭臺魏晉 宋齊

左右肅政臺唐

左右御史臺唐

一員數品從

唐制

大夫正三品百官志一員

中丞二員百官志正四品 六典正五品

侍御史

百官志六員從六

殿中侍御史

從七品百官志九員六典六員

監察御史正六

錄事二員從九

金制

大夫一員從二

中丞一員從三

侍御史二員從五

治書侍御史二員從六

殿中侍御史二員正七

監察御史十二員正七

典事二員從七

檢法四員從八

一三院人數

唐制

臺院

令史七十八人

書令史二十五人

亭長六人

掌固十二人

殿院

令史八人

書令史十八人

察院

計史三十四人

令史十人

掌固十二人

金制

獄丞一員

架閣庫管勾一員

令史一十人分掌名頭

上臺機密房掌察到應干公事

下臺機密房掌同上臺謂監察糾到公事申

臺

吏戶禮兵刑工房斟酌繁簡

分掌
刑案

一三院例

一曰臺院其僚曰侍御史呼端公知雜事謂之雜

端非知雜者號散端

二曰殿院其僚曰殿中侍御史呼侍御新入者知右巡以次左巡號兩巡使

三曰察院其僚曰監察御史亦呼侍御每公堂會食雜端在南榻主簿在北榻皆絕笑言

一臺門例

舊日御史臺在宮闕西南其北門開取陰殺之義

一置獄例

舊臺中無獄有須留問寄禁大理若尋常之獄推訖斷於大理唐李乾祐為大夫請置獄於臺中雖按問為便而增鞫獄之弊至開元間御史大夫崔隱甫奏罷之須留問者仍寄禁大理

一班簿例

治平元年閏五月詔御史臺閣門十日一具細書班簿以進自今大書為冊月上之

一兩臺發使例

舊例兩臺歲發使八人春日風俗秋曰廉察以四
十八條察州縣

一受事例

舊例隻日臺院受事雙日殿院受事

一職官始置

御史大夫秦官位上卿銀印青綬掌副貳丞相其
監察御史掌監郡

一彈奏進止例

舊例彈奏皇帝視事日御史奏之景龍後先皆進
狀聽進止許則奏之不許則止

一同詔寬獄例

凡為三司同詔三司為御史大夫中書門下省大
事奏裁小事專達

一衣冠例

秦御史冠柱後惠文蓋用鐵為柱取其審固不撓
唐大夫中丞遇大事押奏冠法冠謂也衣朱衣纁

裳白紗中單以彈之小事常服而已

一大禮例

國有大禮則乘輅車為之前導

一審覆例

若有制使覆案囚徒則刑部叅擇之

一三司理事例

則與給事中中書舍人更直於朝堂受表

一中丞與皇太子三公相遇例

元魏朝故事中丞出與皇太子分路三公皆遙駐車去頓軛於地以待其過其或遲違則前驅以赤棒棒之

一六職例

一日奏彈

二日三司

三日西推

四日東推

東西朝堂

五日贖贖

六日理匭

一侍御史五曹例

漢皆用公府掾屬高第者為之

一曰令曹掌律令

二曰印曹掌刻印

三曰供曹掌齋祠之事

四曰尉曹掌廐馬之事

五曰乘曹掌護駕之事

一新除有罰例

舊例新除者未曉制度有罰至罰有逾萬錢者若

議罰則詢於雜端

一侍御等裏行例

唐龍朔元年置侍御裏行殿中裏行監察裏行武

后文明後顯以裏行名官長安二年復置內供奉

官

一供奉例

舊例掌殿庭供奉之儀式每朝與^侍御史隨仗入

位在中丞下給事中中書舍人後

一持書故事

持書侍御史者本漢宣帝元鳳中因路溫舒上書
宜^尚出德緩刑帝深采覽之季秋請讞時帝幸宣室
齋而決事令傅史二人持書故曰持書侍御史

一四推蒞太倉左藏出納例

舊例以殿中侍御史第一人同知東推蒞太倉出
納第二人同知西推蒞左藏出納號四推御史

一大朝會例

凡冬至元正大朝會則具服升殿若皇帝郊祀巡
省則服從旌門往來檢察視其文物之有虧闕則
糾之

一銜署例

凡彈劾之事御史言於大夫若遇大事則方幅奏
彈小事則署名而已
一監察不得供奉例

舊例監察正門無籍非因奏事不得入至殿廷開

元間勅並令隨伏而入不得供奉

一 監察例

凡冬至祀圜丘夏至祀方丘孟春祈穀季夏祀明堂季冬祀神州五郊迎氣及享太廟則二人共監之朝日夕月及祭社稷孔宣父齊太公蜡百神則一人率其官屬閱其牲牢省其器服辨其輕重有不修不敬則劾之

一 會議例

尚書省監司七品以上官會議先牒報臺亦一人往監若據狀有違及不委議意而署名者糾彈凡有勅令一御史往監即監察受命而行亦監其過謬

一 監齋例

凡京都忌齋日則與殿中侍御史分察寺觀七品以上清官皆顧行香不到則牒送法司

一 監決囚徒例

凡決囚徒則與中書舍人監吾將監之

一在京監察例

分知左右巡各察其所巡之內有不法之事謂左降流移停匿不去及妖訛宿宵蒲博盜竊獄訟冤濫諸州綱典貿易隱盜賦歛不如法式諸此之類咸舉按而奏之若不能糾察及故縱蔽匿者則量其輕重而坐所由御史

一監察御史雜例

分察百僚巡按郡縣糾視刑獄肅正朝儀朝廷有不肅欽者御史則糾而劾之每二百人五日分知東西朝堂

一邊功例

凡將帥戰伐大克殺獲數其俘馘審其功賞辨其真偽

一門直例

凡自監察御史以上每日一人於本司當門直以

檢察臺中出入及令史領詞訟過大夫之事若緣
詞訟事須推勘者大夫便委門直御史以推之

一風聞例

舊日御史臺不受訴訟有通詞狀者即於臺門候
御史御史徑往門外收采知可彈者畧其姓名皆
云風聞訪知

一相遇例

凡御史以下遇長官於路去戴下馬長官歛轡止

之

一監圍例

舊例蒐狩則監圍察斷絕失禽者

一監選例

舊例吏部將除定員數及擬到州縣付之監察於
吏部別置監察一幕御史闕數臨視而已若甲_中間
或有資歷先後品從高下及不應等事許授除官
陳告御史即推究根因與之改正

一進帖例

監察舊例所進帖止。子是今呈子樣。但為內腰封。其囊上用黃紙作帖。黃上書奏帖二字。下書臣某謹封。

一照刷例

舊例照刷所司先具事目。到臺其文卷後粘連刷尾。具公事本末赴臺照刷。監察御史於正位坐閱。朱銷簿臺令史一人在旁亦坐執掌。具到事目。其

當該人員引卷通讀。若係筭數文卷。更設帳科司吏一名。與臺令史一同刷磨。其中但有違錯。稽遲監察將文卷收訖。申臺量情治罪。餘無違錯者。即令大程官於刷尾騎縫。近下先用刷訖銅墨印。然後蓋以監察御史朱印。及於朱銷簿上結尾。後亦用刷訖銅墨印。

一督軍御史

晉職官志。光武建武初。征伐四方。始權置督軍御

史事竟罷。東晉孝武太元六年復置。隋煬帝時監軍御史。

一符節御史

前漢百官表其治書符璽者印綬比二百石以上皆銅印黃綬。漢官儀尚璽四人。掾史趙堯為符璽御史尚璽者也。晉職官志符節御史秦符璽令之職也。漢因之位次御史中丞掌綬節銅虎符竹使符。及秦始中武帝省併蘭臺置符節御史掌其事。

焉。

一防禁御史

晉職官志按魏晉官品令又有防禁御史第七品。蘭臺之職也。

一漢六條

漢官儀云部刺史周行郡國省察治狀黜陟能否斷治冤獄以六條問事非條所問即不省。

其一條曰

強宗豪右田宅踰制以強凌弱以衆暴寡

其二條曰

二千石不奉詔書遵承典制背公向私旁詔

守中利侵漁百姓聚斂為奸

其三條曰

二千石不卹疑獄風厲殺人怒則任刑喜則

淫賞煩徭刻暴刺截黎元為百姓所病山崩

石裂妖祥訛言

其四條曰

二千石選署不平苟阿所愛蔽賢寵頑

其五條曰

二千石子弟恃怙榮勢請託所監

其六條曰

二千石違公下比阿附豪強通行貨賂割損

政令

一巡案官選判官支使例

一舊例十道巡案則選判官二人為之佐如道本務繁得量差官人歷清幹者號為支使

一巡按出入例

漢監者每三歲一更常十一月奏事三月還監焉唐巡按使率三月以後出都十一月終入奏事宰相李嶠請率州置御史一人以週年為限

一巡按州縣例

諸監司每歲分上下半年巡按州縣具平反冤訟

按訪利害及薦舉循吏案劾奸賊以聞

一按察所部有犯

諸按察官知所部官有犯若事理重者躬親廉察

部民訴訟縣令同

餘事聽先委不干礙清強官體究有無

實跡結罪保明申所委官司於案章內明坐所差官體究到事因並不得出榜召人首告即犯贓私罪雖已離任被告論或因事彰露者聽案治

一具發摘過贓吏例

諸按察官每歲終具發摘過贓吏姓名置籍申尚書省

一巡按許見賓客例

諸監司巡案許接見賓客惟不親謁

一直指使

漢直指使持斧衣繡衣直指者為指事而行無阿私也衣以繡衣尊寵之也

出計奸猾治大獄

一知班受百官及命婦入宮帖子例

舊例百官入朝知班一人於宮門受百官及命婦入宮帖子其上書某官某職某爵上用職印令執事人授知班蓋使知其百官是日有疾病有故者其所告狀謂之曹狀

一知班糾彈例

殿中侍御史下設知班十人如百官朝會知班四人於四方臨視如有失儀隨簡者知班向其人前問何姓氏然後具狀糾彈

一 主簿例

隋大業三年始置隋二員唐省一員掌印授事發
辰勾檢稽失及管轄臺中雜務公廨厨庫檢督令
史奴婢配勲散官職事每食則執黃卷書其譴罰
至元三年十一月

右呈

一 五使例

謂廊下使入閣監食使監香使掌國忌行香二使
臨時充通謂之五使

三 京留守御史臺

元和十三年後但以待御史殿中侍御史監察御
史共主留務三院御史亦不常備焉

宋朝西京於分司官內差一員權闕即差官權掌
南京止令留守通判權掌後北京置臺專差官

天禧四年以翰林學士承旨兵部侍郎知制誥晁
迥為工部尚書集賢院學士判西京留守司御史
臺他官正云權而為云判者以三品故也

理檢使

宋朝淳化三年置院在宣德門外西北廊鼓院之西令登聞鼓司進狀人有稱冤濫沉屈者即引送理檢院審問

登聞鼓院

宋朝鼓在宣德門南街之西廊院在外門西之北廊舊曰鼓司景德四年五月改今名凡文武臣僚閣門無例通進文字者諸色人進狀並先經登聞

鼓院除告軍機密事及論訴在京臣僚即依例實封如進入後審狀有異同虛妄及夾帶他事並科違制之罪所論事理重依格勅施行仍令進狀人別寫劄子節畧要切事件連粘所進其餘所進文字並先拆開看詳定奪或有元本文字照證速牒合屬司分取索若事合施行及所進利濟有可觀採便通進若顯有違礙不可施行即當日內告示本人知委不識文字者許陳白紙據所論事件判

院官當面抄劄詣實口詞仍當日據收接到所進文狀都數逐件開坐行與不行因依具單狀聞奏若進狀并遇白紙人稱鼓院看詳不盡情理即許經登聞檢院進狀披訴仰檢院詳酌事理若鼓院所定不行為當即據不行為當緣由判押審狀與進狀人收執如鼓院所定不當即其不當事件并元進狀繳連進呈其收接所進文狀亦於當日內具都數開坐行與不行因依單狀聞奏其被訴人

即時判審狀給付即許於御史臺陳訴其登聞鼓院檢院委實行遣不當者方得接駕及繳所判審狀披訴當付所司勘鞫如披訴得實判鼓檢院官必行朝典如是虛妄本人科上書詐不實之罪未經鼓院進狀檢院不得收接未經檢院不得接駕進狀違者依法科罪

判院官二人舊以內臣勾當至道三年改用朝臣

監鼓內侍二人
人令史一人

登聞檢院

唐置匭宋朝太平興國九年改匭為檢東延恩曰
崇仁南招諫曰思諫西申冤曰申明北通玄曰招
賢改匭院曰登聞院院在宣德門東廊之北景德
四年五月改為登聞檢院是月勅如急速文字畫
時進入常程文字一例每五日一次於^檢急院內通
進天聖七年上因讀唐史見匭函達下民冤枉之
事乃謂左右曰天下九州之大豈無冤枉之人若

至京師檢院鼓院理雪者必是州縣官吏提典刑
獄轉運使不能理雪若有不為申理則赤子無告
矣乃置匭函仍專命御史中丞為理檢使應諸色
人除竒巧法術邪妄干正道事不得上言及常程
公自事依久來體式令逐處官司并鼓院收接外
如有指陳軍國大事朝政得失大段冤枉累經訴
理未獲辨明或事干機密並許詣匭函投進內委
是急速文字畫時進入其餘並每五日於檢內進

納如無亦具單狀聞奏如檢院進狀人稱冤濫況
屈者畫時引送理檢使審問

判院官一人舊止舍人兼掌淳化二年始命他官
判之

都護府

都護一人掌所統諸蕃慰撫征討并推安輯蕃人及諸賞罰叙錄勳功總判府事

副都護二人

長史司馬各一人錄事功曹戶曹倉曹兵曹法曹參軍各一人參軍事二人其安

北單于唯有司馬倉曹兵曹各一人餘並不置

射聲校尉

漢掌待詔射聲士工射者冥冥中聞聲射則中之
因以名也須待所命而射故曰待詔射聲

戊巳校尉

漢元帝初元元年置甲乙丙丁庚辛壬癸皆有正
位唯戊巳寄治耳此所置校尉亦無常居故取戊
巳為名一說戊巳居中正覆四方漢所置校尉亦

處城之中，撫諸國也。

散騎常侍。

騎馬並乘輿車騎而散從，無職事也。

舊日監察所行。

一差監察例，本臺且以三人為率，本臺備具本官脚色，伴奏目進呈，御筆點差。假如首先一人，是臺家注意者，御筆或點却次者，第三者。

一無故入御史臺杖六十，搥鼓者先杖八十。

一臺諫檢院鼓院臺既立，餘皆合行。鼓院在掖門東，檢院在掖門之西。

一舊來監察照刷，止是徹卷看讀，但有稽遲，即有杖罪。如違錯等事，更不消說。監繫取招訖，送法司斷定，然後決罰。據勾當限次，如瘡未愈，勾當瘡已愈不出，又是罪。及照閱朱銷簿。

一金國省院臺為三省。

一舊有六臺六院。

一上下臺大夫中丞為上臺侍御史以下為下臺
一治書侍御史乃是臺奏事官為制一臺事也
一報午時省即起然後臺起六部視臺起然後部
起

一察按無運使其以為按察中間一切欺隱不之
公事則不敢犯早晨先與書史判按察司事次乃
與同知副使判運司事

一舊日監察如某吏行止不修及贓濫者監察於
本人門或帖子或粉壁書云某人行止如此身事
便索廢却

一臺有三臺上臺下臺外臺

一舊日監察出使帶牌起驛馬

一監察有急事至撒合門納帖子無問早晚自宮
中傳入奉御傳於門娘門娘轉於承御承御聞奏
上如熟寢承御直夜者不敢聲言擊所懸之玉謂
之襲聲既寤進讀其人奏到帖子如此等事若上

即裁決令丞御批送省部臺上用小方玉印印之
所司得旨登時勾當起明日朝奏對

一舊日監察外路有體究公事差部官一員并部
令史事得其實官人申臺吏人杖一百以下皆決
之若有大段公事臺司覆察得實關所該部分差
部官與監察一同致勘如所察不實監察所得罪
只是罰俸贖銅

一舊日三品以上官有罪監察體究得實申臺呈

省聞奏若宣勘本官不問虛實即便承伏如中間
實有冤枉令家屬告登聞檢院不理然後鼓過以
聞

秋澗集卷八十三

初八日校

欽定四庫全書

秋澗集卷八十四

元 王暉 撰

烏臺筆補

彈聊城縣官汚濫事狀

今體察得博州聊城縣周縣尹至元六年冬與部內良人妻阿曹通奸其秦主簿亦於當年秋前往上口鎮倉部糧與部民馮貨郎女通奸各私下用錢拆合和休再

了當就問得本路司吏朱勉與所察相同今來切詳縣尹主簿俱係牧民之官承流宣化肅政風俗者也今侵犯部民其污濫非為如此合行糾勘

論中都喪祭禮薄事狀

竊惟送終人子之大事今見中都風俗薄惡於喪祭之禮有急當糾正者如父母之喪例皆焚燒以為當然習既成風莫不知痛敗俗傷化無重於此契勘係契丹遺風其在漢民斷不可訓理合禁止以厚薄俗外據無問貴賤多破錢物市一切紙作房室侍從居馬等儀物不惟生者虛費於死者實無所益亦乞一就禁止據此合行具呈

皇太子親政事狀

蓋聞武丁學于甘盤號殷高宗孝宣起於民間為漢令主昔唐太宗視朝以子治觀政世宗東巡以允恭監國斯二君者豈特為元嗣廣聰明達民事而已蓋將正神明之器分夙夜之憂繫臣隣之心慰億兆之望撫軍監

國皆其事也。賈而生亦云。太子正而天下定矣。恭惟燕
王殿下春秋鼎盛。教敬日隆。今者守中令領樞府。然首
居重器。未嘗視事。且古之^聖人。宜莫如舜。尚歷試諸難。有
用彰玄德。以憚愚慮。誠宜早正位號。俾恭理庶務。仰承
黃屋之心。俯署青宮之事。如每歲春車駕巡幸上都。燕
王殿下居守陪京。撫臨漢地。握一府之樞。控百辟之重。
俾睿智足臨。日深治道。又念方今聖天子。以^仁後厚恭儉。
率先天下。而^繼斷體者。稼穡艱難之事。又不可不知也。重

此數行有誤

不然。沿邊將自士較閱以來。上下負責。不蒙自新。雖欲
功過相當。將何所明。若秋高馬肥。奉將天威。撫巡江漢。
以之頒犒。祿秩赦宥。過悞。豈特旗幟。辟壘。精彩一新。亦
將作士氣。過蠻荆。懷遠方。安新附。復有奮忠竭力。建非
常之功於目前者矣。其爭先快覩。謳歌慶幸。倍於尋常
萬萬也。又省記項者。太子合昔。互在先朝時。已以位號
之正。判署教條。新^親諭漢官。茲非其事。與能若是。固磐石
之基。定天下之本。計孰大於此者。憚職分。雖卑。猥當言

責國之大事敢冒敷陳

彈博州總管楊庭訓不之任狀

今體察到前博州路總管楊庭訓本官爰自宣州次官陞克河間路總管同知再考授博州路總管於今年七月內祇受宣命虎符克延安府總管朝廷恩私待以不薄不期錄連保狀輒自獻投以延安為下路欲難其行以少中為稍降妄攀別例一意徵求有虧廉廣節廉兼照得之官程限已有定例其楊庭訓自祇受以來經今四月

有餘推延事故逗遛不行恐臣子之分不當如此事屬非違合行糾劾

第二狀

近為延安路總管楊庭訓不赴任事已經具呈未蒙定奪切聞上臺照勘體察本官元行文卷意者豈謂憲司已有先行故遲遲其意却緣憚體訪此事前後月餘纔方得實據本臺事理並不知會至於愚見偶與鈞意畧同行之似不相妨緣元狀止彈本官為路小官降故違

朝命八十餘日。不行之官。至於旬投保狀。曾不知愧。即係彈章中引據事意。本非正情。設若先在亦有此等事體。未嘗糾彈。倘今後更有似此事。同而情理深重者。憚等合無具行與否。據此合行載呈。

論河南行省屯田子粒不實分收與民事狀

會驗河南行中書省咨該去歲屯田子粒一百萬石內。明該屯戶收分語句。今體訪得止收到稻穀。有馬料粟。通計約四十餘萬石。其收分與民數目。至今不曾給付。

使失業之民二萬三千餘戶。往返千里。却於往貫般易。餓糧以供朝夕。貧者至嚙食草木。陳告無所以致往往逃竄。至有舉屯全空者。切惟屯田大計。當草創之際。所宜務遠圖。固根本。開布恩信。撫養新集。遵固守之道。植久駐之基。不務出此。將上項子粒。公文明該除數。實惠曾不及民。使官食前言。民有饑色。張虛數以邀上知。顧小利而歛衆怨。既非國家之便。又非計久成大功之遠略也。其昧上虐下。是屬姦欺。據此合行糾呈。

論河南分作四路事狀

切見河南係邊防重地耕戰之大本所在今國家用兵江漢開置屯田示其久駐非特取襄陽而已為今之計宜分治撫養以實南河根本為急照得河南地方寬濶東西二千南北一千餘里跨州連郡大小七十餘城軍民一十八萬戶雖不及往時實亡金一國也今止設總府一道使都轄於上府治又處北偏東南州郡半與南郡犬牙交入如唐鄧徐邳亳潁等州去京近者百五六百

里少有緩急其簿書期會往返交錯首尾相應動輒月餘不惟辦集生受其實難以控制兼平時與多故事勢不同自攻守襄陽以來轉輸調度百色所湏取辦有司急於星火而今亦同止轄三兩州者張官置吏一體勾當縱彼人才固難負荷此特官府之難易耳所可慮者逸南屯田大復壞散往往避役至有舉屯全空者其患在不隸州府眾人耽悞無有專任責者故也又值蝗旱連年軍民困苦譬猶羣羊數萬被擾不安雖居牧地且

乏水草有令一人看管放牧未見其安且便也以憚愚
見合無將河南地面分作四路以歸德為一路而徐邳
宿毫隸之以蔡州為一路而鈞陳潁睢息隸之以節州為
一路而申裕唐隸之以南京為一路而鈞許嵩汝鄭延
隸之其選任官吏北之常調增加品秩庶勉勸事功人
爭效用外據所該屯田地其府官令兼帶營田使職
名於上提點勾當外三路所有屯田戶主常加存卹將
彼此事情互相照料撫養其業生休息其困乏使一方

軍民及居者屯者兩不失所方為稱職然後限以歲年
責其成效以馮考較別議陞降如此庶得軍民兩安政
成化理事無曠慢邊防之重地既安耕之戰大本又立
以攻以守投之所向無不如意若貪虛內置已有而五
不卹圖必爭之要害是猶荒膏腴之土不為耕稼而求
不可治之石田切恐為鄰人之輕且笑也外據真定平
陽兩路亦宜標撥州縣另立散府使直隸省部管領其
於官民亦為兩便且免夫尾大不掉之虞得強幹弱枝

之道矣。據此合行具呈。

論怯薛互加散官事狀

竊惟自古殿庭之間，內而近侍，外而宿衛，凡有職掌，俱帶散階，理無一概。白身領官掖之事者，今伏見朝庭一切侍從宿衛怯薛等官員，多係功臣子孫及歷年深遠辛勤勞績人員。據見掌職事，就中固分輕重，上下終是朝家未曾普覃加帶勳散階號，使寵異其身名，倘議而行，在國家大為恩惠於臣子，益勵忠勤。且古人有言：

人主之尊，譬如堂。羣臣如陛，階增則堂高，是近臣榮顯，則人主愈尊崇矣。今後合無將內外一切近侍環衛等官，據見掌職事，依驗色目，普加散官。如龍虎標騎、金吾奉輔、國昭安懷、定明武將軍之官，下至丞、昭、忠、尉之號，^{乞一就}更定奪俸秩為一，^代新制。所謂立制自近貴始。昨聞集議官官服色，是欲辨上下，定民志也。據散階事理，誠宜先有定奪，然後服色可議。蓋服色因官品而定，^{而官}品由服色而顯也。伏乞御史臺照詳。

論收訪野史事狀

竊惟古者修史，雖野史傳聞，不以人^廢。伏見國家自中
 統二年立國史院，令學士安藏收訪其事。數年以來，所
 得無幾。蓋上自成吉思皇帝迄于先^帝，以神武削平萬
 國，中間事功不可殫紀。近又聞國史院於亡金實錄內，
 採擇肇造事蹟，豈非慮有遺忘歟。然當其間從征^諸人，
 所在尚有旁求備^訪，所獲必富。不然，此輩且老，將何所
 聞。合無榜示中外，不以諸色等人曾扈從征進，凡有記

憶事實，許所在條件，或口為陳說，及轉相傳聞，事無巨
 細，可以投獻者，官給賞有差。如此庶望人効衆美，國就
 成書，使鴻休盛烈，晦而復明。備見一代之史，顧不盛歟。

論品官懸帶弓箭事狀

竊見國家往年禁斷弓箭事，久弊生。中間似有未盡者，
 今體訪得軍戶幹^脫還弓手打捕回回等人，皆得懸帶。而
 外任三品至七品以下官員，皆不許懸帶。據上項官員，
 重則控制數州，小則肅清百里。其間懸佩符命，赴任在

官往返道路緩急有虞無寸刃隻矢以禦強暴是國家
命官不若打捕等戶之有備也且^此之法之行止能禁絕
良民近年所在失事多係挾持弓箭馬賊其擅助賊威
奪去民救莫此為甚據外任三品以下官員今後合無
照依品官合得舊例定奪似為長便據此合行具呈

彈甲局首領官張經^涇影占工役事狀
今體察得中都甲局首領官張外郎至元四年五年影
占合造甲人匠劉仲禮私下取要工價鈔四十四兩五

錢却將本人合造甲數逐作抑令其餘人匠分造了
當今就問得張外郎名經^涇是實據此合行開坐糾呈
為驛程量事緩急給限事狀

竊是隨路每歲差遣人員赴都如計稟公事押運差發
課程一切等物者既還心欲速得到家不問舖馬生受
日行數站其馬匹不無走損倒死以憚愚見今後除軍
情急遞人員外其餘所差人員合無照依舊例量事緩
急定立往回地程使各站出給關文於上分朗書寫日

行站數依上定遞仍令按察司體究速者治行施如此
似望舖馬少有倒死站戶不致生受

為典雇身良人限滿折庸事狀

竊見在都貧難小民或因事故往往於有力之家典身
為隸如長春一宮約三十餘人元約以滿可無償主致
有父子夫婦出限數年身執賤役不能出離又有親生
男女詭名典嫁其實貨賣此又大傷風化甚不可長其
典雇身人如元限以滿無財可贖者今後合無照依舊

例令限外為始以日折庸准算元錢使之出離其或典
數口內有身故者除其死者一分之價至於願求衣食
者聽外據典價不實者乞嚴行禁止如此不致以久成
俗而雇身免轉良為賤混淆無別不然迷失門戶耽悞
差役深為未便合行舉呈

為不宜先浚新城壕塹事狀

竊見隨路連年蝗旱百姓饑乏者眾今春首農務將作
大興力役擬浚治新城壕塹不惟妨奪民時切恐轉致

困弊合無伺候秋熟舉作似為未晚不然若從重論理
合先築宮城正宸極之位使內外有限以壯皇居然後
宮室可得而議據浚鑿壕塹工役似未宜先行

為春水時預期告諭事狀

近知得河間路任丘縣南史村軍戶劉阿李為殘害海
青事將本婦人處斷訖叅詳在先為鷹隼海青公事然
省部欽奉聖旨遍行隨路出榜省諭而農民愚戇月日
深遠不無遺忘兼且海青飛舉動輒千里切恐遠方之人

不知係是車駕飛放禽羽以憚愚見今後御前鷹隼海
青合無懸帶記驗如前朝牙牌之制每遇春秋飛放之
時更令所司預期將一切禁忌違犯之事重行嚴切省
諭使農民臨時又得曉然通知如此豈惟易避難犯亦
不致悞有損害似為便當今後設或復有違犯之人乞
送有司照依扎撒斷罪施行

並前同照不此據備眾等行
 不交野前辭等以為更當令外若為辭所盡味之入子
 備身身月語朝又辭朝然區味味味此豈朝為遊曠味亦
 知更令何何所服然一此禁送意於上事重行處味亦
 青合無無帶帶信信以所陳下群上信再選春林森不之
 不秋澗集卷八十四
 會陳以軒愚見今對前商擊武

欽定四全書

秋澗集卷八十五

元王憚撰

烏臺筆補

其為運司併入總管府選添官吏事狀

照得隨路總管府自至元元年止是管領民訟差稅而
 已以故總府州縣往往員數不備其或關員去處多不
 補差令者已將運司所管酒稅醋稅倉庫院務工匠造

作鷹房打捕金銀銅鐵丹粉錫碌茶場密治鹽竹等課
并與魯諸軍盡行併入各路總管府通行節制管領此
之在先職掌事務其煩冗增劇豈止數倍之上所賴用
得其人員設必備方可辦集不然將來事^有失悞必不惟
官吏在被罪戾止^且以員數不敷為辭至於都轄上司歲
終考課倘無成效切恐不得獨免言責以某愚見即日
注擬總管官員理合精選材望素重強幹有聞清慎明
著之人使之統紀於上其衰老罷輒不職素無政績者

亦合體究得實^量加黜罰外據總管同知州同府尹以
下官員驗部分大小事務繁簡照依舊例添設員數如
總府治之中散府之推官上中州之觀察節判并劇縣
之特設丞簿是也其府州司縣首領官吏亦合添設員
數令掌案牘無致遺失依上勾當如此庶望上下分職
各率其屬以治其政則民安事辦不致內外事務有所
曠闕據此合行具呈

首論省部掾內選擇檢法官事狀

省部掾內見設檢法官多取自州府司吏等人如刑部
正八品官安某是也且刑部人命所繫法家自非專門
善於其事者察則過於深刻昧者不知所守輕重高下
鮮能適宜其或處心私徇唯法是玩尤為利害無照得
檢法係八品正官亦無州府吏人既非才選輒用補充
者今後無合於省部令吏內選擇知經史明法律識政
體明良公平之人著亮似為相應合行舉呈
亦合為添設按察司八道事狀

切見四道按察司部內寬遠一出巡按動經半年往返
萬里不惟官吏生受其實艱于察又體知得高麗島身
夷小邦尚設按察八道今東寧府內屬鳳州等郡縣乃
一道也況堂堂十萬里之大國乎據見設四道按察司
每道合無添作兩道依上勾當實為便益

論起移懷孟路新民事狀

伏見懷孟新民二千戶大小一萬餘口今將差官分間
起移前往中興路安置止因而別生事端然狂悖右有

言者特本管頭目三數人耳今以在官審實有狀罪之
可也據中間事情恐小民或不預知兼此等俱係車駕
渡河時軍前好投拜人戶後前思恤十年一旦徙就遠
地誠當念慮若萬一生事深繫利害且即日春首當國
家布德施惠助長生之氣又蝗旱連年所在生受今者
遷徙遠去不惟費用浩大經過州縣飲食供頓人兵防
送必致搔擾其間更多猝難起移之事而老弱因流離
道路困乏疾疫不無死損恐轉傷和氣又非來遠人之

道也。參詳莫若分移使實近襄州郡破散支黨列之編
戶一隸有司管領甚為長便

論丞相史公位師保事狀

蓋聞崇德報德功聖君之盛事尊賢敬老有國之常經伏
見前中書左丞相平章政事史公某德望素高忠勤兩
著比者朝廷以元老勳臣累聖眷遇詔離重地時錫寵
光蓋所以安老臣而崇德業也今史公年雖耳順精力
未衰謀猷風采足以儀刑中外表正羣卿而坐鎮雅俗

僉謂宜封公爵。又聞將歸真定。設若有俞。不過角巾私第。安榮一身耳。伏念師保之列。久曠其人。合無奏聞。使居斯位。以備論思。必能進盡忠言。有所廣益也。如此不獨養老乞言之盡道。抑以激勸人臣。罄竭忠盡之節。天下幸甚。據此合行具呈。

請明國朝姓氏狀

蓋聞自古有國之君。皆推原世系。以明姓氏。如軒轅以有熊為氏。帝堯以陶唐為氏。夏以姁商以子周以姬。七

遼以耶律姓。殘金以完顏姓是也。惟伏聖朝。奄有區宇。六十餘載。際天所覆。罔不臣屬。而又禮文制度。粲然一新。欽惟國朝姓氏。廣大徽赫。遠降自天。今輝潛未發。無以啟悟臣民。視聽之願。兼體知得有親散。賜姓等氏。誠宜區別親疎。使貴賤之間。各有攸序。然後詔告萬方。使如日麗天。焜耀六合。上以接千歲之統。下以垂無疆之偉蹟也。憚職居言責。細大之似。事宜敷陳。故愚慮所及。不敢少隱。

請論定德運狀

蓋聞自古有天下之君莫不應天革命推論五運以明肇造之始如堯以火舜以土夏以金殷周以水木玉漢唐以火土王是也據亡金泰如初德運已定臘名服色因以一新今國家奄有區夏六十餘載而德運之事未嘗議及其於大一統之道自為闕然何則蓋關係國體誠為重大况際今文治煇興肆朝章制儀衛若德運不先定所王而車服旗幟之色將何所向矣合無奏聞令

中書省與元老大臣及在廷儒者推論講究而詳定之然後詔告萬方俾承天立極之序粲然明白實光揚祖烈貽厥子孫之永圖也憚謬當言列無以塞責重大之事敢冒昧敷陳

臣等為中省兩部私貼書事狀

切見中書省左右部所設掾史其員數足以分務俸給足以養廉又明注出身定擬資歷是國家以品官待人未嘗以胥吏相期也所望公勤精幹躬行所事今則不

然私使貼書通知公務每房少者不下六七人官不係名私有形勢例皆掌案牘主裁決甚則至於關節導達開閉俾門泄露事機滋長奸弊私謁既行公道多廢近者制司偽貼事發此其驗也重念都致省治之源兩部天官之列建綱立極所貴肅清以明庶務奈何使幼孺無知之人混淆錯雜紊煩官紀其為害弊孰甚於此若曰此等吏習而已事何預焉是中書兩省為童子吏習之所此尤不可甚者今者積弊有年曾不更張革去冗

長欲望激濁揚清選擢計密抑吏權謹公道帝載以之能熙期會至於不失不可得也又照得省劄行下州郡則減吏冗使有定員本謂省官不若省事省事不若省吏若此者捨本趨末欲清其流而反濁其本源也無舊例私使貼書者律有明禁據中書省樞密院左右部及隨朝衙門占帖書等人合行禁罷

二為百官賀正未見私先相賀狀

伏見國家修習朝儀漸有成法是將表儀萬國肅正百

官為一代之制。無朝廷之上，禮宜過肅。殿陛之間，尊無二上。今者百官賀正，趨集闕下，未蒙陛見，私先拜賀，謹呼雜還，似失無二上之義。合無比奉朝儀以來，誠飭百僚，草此習俗。庶令宮庭之間，先致清肅。若大禮一行，隨即可觀。不然，限以門闈，令在內者，不許私賀，以將其肅敬之心，亦禮治之一端也。

為太廟薦新并前障輿垣事狀

伏見國家建宗廟，奉禋考，歲時饗祭，禮文昭備。今職貢五

萬國方物畢至，惟薦新之禮尚闕而未行，非所以交神明光孝思也。又禮下公門，式路馬，況太廟乎。今廟宮正門前幃高埽，據東西外門，即神靈出游之道。使內外臣民經過者，不知寅畏趨避為心，又非致敬恭之道。按金制五品以上官過朝，去傘屏人從疾過。六品以下並下車馬，合無照依舊例遵行。切詳二事違闕至今，誠有司之慢也。

為春寒馬牛損傷課程帶納馬匹事狀

伏見上都路今春雪損傷馬牛數多其山東等處災災傷亦然切惟馬牛耕戰之本會驗明有條禁馬不得駕拽車碾牛不得私下宰殺隨路有司奉行甚嚴今京畿之間其牛馬非理用度甚者至於駝犂耕種公然屠宰以為尋常茲有司之過也今後犯者宜加重論罪庶幾民文畏避不致日有虛耗外據各路課程每季約乞糧分數帶納全課馬匹有差就本令道總府官或次貳一員兼監牧職各每年終驗孳息數目考課能否而賞罰

之亦漢武帝二千石無馬政之制也倘議而行上供天子之六廄下備征進之大舉一旦果用足以收良壯而振兵威比之倉猝和買或籍取民間不惟人不被擾抑以減省國用力不勞而辦矣據此合行舉呈

論監司簽職劇祿薄狀

伏念官守有常而事分繁簡時制雖寬祿隨品給惟其加優則心顯則事理蓋庶於已而免喪節之耻焉風音勤於按部而無苟且之虞切見按察司簽事係隨朝正

五品官執掌既繁。部分寬遠。如刷磨案牘。審鞫刑獄。糾正官邪。肅清風化。勸課農桑。體究一切公事。終歲驅馳。不離鞍馬。其在山北。尤為匪易。今月給俸值止三十貫。文實為鮮薄。似難養廉。近體訪得隨路勸農使。刷定為從五從六資品。又所任之事。止勸課而已。其品高。從下事為繁簡。俱與簽事不同。今者祿秩爭懸。反加一倍。合無比附。約量添支。使勸來者。以勉事功。據此合行舉呈。

亦用歷日銀修祖廷孔廟事狀

切見聖朝修崇嶽祠。緣為國家鎮山。與民祈福。而宣聖三綱五帝之本。君臣父子。以之而生成者也。其祖廷殿宇。至於闕然。攷諸故典。皆歷代有國者所係增脩。又會驗世祖皇帝聖旨。節該諸路歷日銀一半。宣修聖廟。據東平益都兩路。盡數分府襲封。修完曲阜本廟。合無欽依先朝聖訓。將隨路及山東兩路銀數。併修祖廷正廟。就用灑掃戶。以供力役。可不勞而辦。如此不惟善繼祖宗之志。抑亦尊崇之盛典也。

論關陝事宜狀

切見京兆乃關陝重鎮其居民大半南驅放良歸順等
戶兼地負山險其義雍等峪口皆係南賊出沒道徑如
前年深入華嚴殺掠人民幾犯城郭茲益腹心有應然
也又如已獲平陽陳丑勞并本處李顏等詳其事情正
以狃被前習故勾連內外謀叛歸宗皆其事也體訪得
東連鄭縣西踰義峪其間多有四方作過避罪逋逃無
名等戶聚散山林間十百為羣彼負罪避匿不獲自新

小則聚而草竄侵害良民重則結連外郡窺伺間便何
所不至其陝西官府雖嚮奉聖旨節文將放良析居交
參等戶令所在招刷未聞實效況目今蝗旱如此流民
不安其行府與總府宜專一選差有幹局官屬多方用
心出榜招懷集以恩信使出離山林安撫存恤限以三
年免徵差賦能此既喜從新又獲其所則前日反互之
心與不測之擾可以永絕矣若因循姑息視為細微上
下蔽匿切恐因而別生事機如華州官司明知如此數

百餘戶不行申報。私下隱匿。聚歛差發。足見奉行滅裂。不為盡心。曾無實效之明驗也。若曰金商已成。茲不復慮。消患未萌。古人深戒。有照得本路總管已闕三年。雖有一二次官。望輕地微。恐難鎮服。是則分陝之任。未得其人。誠不可緩也。宜早為遴選材德威望素著。是以鎮撫軍民者。以膺重寄。庶幾秦隴之間。弊政一新。狂妄消弭。其元元之民。感念恩德。知朝廷雖遠。其憂民慮患。深至如此。孰不慶是。天下一臂大得安全矣。

曹州禹城縣隸側近州郡事狀

切見曹州所轄禹城縣。去本州七百餘里。其親管并投下約四千餘戶。一歲之間。事為不少。如科撥催徵。打算勾集。及軍馬詞訟。申稟一切事理。人吏往還。一千四百餘里。其於難易。不較可知。若官得其人。政平訟理。民受其賜。苟非其人。恃賴上司。寫遠不復聞知。凡有剖決。鮮不徇情直行。其或枉錯。使無力小民。卒不能上訴。有受屈而矣。今照得本投下和斜拜答漢止係千戶功臣之

家不同諸王公主駙馬等族人合無五戶絲依例分付
本投下外據縣司一切事理就令側近州府節制照管
官民以為兩便其濟州亦撥到平陰縣五百戶亦請一
體定奪施行

為完縣投魯訛欺誑事狀

近見在都咸寧坊人戶完顏投魯訛告稱耶律丞相於
本宅地虛暗井眼內藏課銀五百餘定既而翻屈一無
所見切詳京師風化之原政令之本一旦信從小民狂

妄至欺誑省堂侵誣大臣動擾人眾指無為有徽倖萬
一舉云此風漸不可長兼白晝都城監臨發掘似非平
時之事投魯訛若不痛加懲誡以勵其餘切恐小民因
緣別生發端

請百官上尊號事狀

蓋聞古者天子臨御日久功德昭著百官表上徽號至
於再三鴻惟聖天子登極以來神功聖德不可殫紀今
再宜請中書省恭率內外百司奉表具上尊號以聞

視朝奏事有常限狀

切以天下之事日有萬機事重而當即行者必須取自聖裁宜恭請皇帝陛下自非歲時巡幸於端居兩宮之時視朝進奏定立常限非惟庶事康理亦使臣下不致稽緩

請建臺閣圖功臣肖像狀

昔兩漢之麒麟雲臺唐金之凌煙行慶皆所以褒獎忠義激勸一時切見國朝開創以來謀臣猛將勲德顯著

者甚多合無建立臺閣圖繪肖像不然則使歲時配享廟廷非惟存沒獲寵亦一代之盛事也

立襲封衍聖公事狀

伏見^歷立代尊禮孔聖世有襲封以奉祀事會驗國朝自壬辰年間欽奉聖旨於南京取到五十一代孫孔元措赴闕令襲封於魯自元措之後嗣襲遂闕歲時主祀止令曲阜令治承權祀事甚非大宗主祭之義我國家尊師重道焜燿百代三教九流莫不崇奉豈惜一人爵祿

而不議封建蓋未有奉行者合無聞奏明考族譜令宗親推其賢而有文者襲其封爵俾奉祀事以明天下風俗之本實聖代殊常之盛典也
士為教孔顏孟子孫事狀
伏見國朝尊師重道德及後裔其孔顏子孟孫故往者特設教官使之養育比年以來不聞一人有學業問望者雖親炙祖庭其淵源聞見終是寡陋今後有無選三家德性頗明俊者使入京師國學令學士等官教育庶

幾有成以昭先世之德

今史丞相封公爵事狀

切見丞相史公係四朝勳臣今雖引年宜加公爵給其半祿時加體貌以存顧問合無更依舊典每十日一至中省平章軍國重事不然使卧護諸將規取荆襄亦周宣王唐憲宗之舉也

請禁止異樣服色事狀

切惟衣服之制所以別貴賤定尊卑故歷代相沿各有

定制今民間以侈靡相尚雖工商皂隸皆得衣被金繡龍鳳衣物以致貴賤混淆無以差別今國家以儉德化下服不衷反為妖災今後合無將一切金繡衣物異樣除令得服用外自餘即聽與鞍轡等事體一嚴行禁止亦辨上下定民志之大端也

論節婦雷姑狀
今體訪得京兆府三白渠副使郭時中妻雷氏係前監察御史雷晞顏女自三十一歲夫郭身故雷止生女子

一人長已適元氏經今十有六年窮居守志誓死靡它真順堅確殊有父風宗族稱賢鄉閭服化在雷門善繼先聲居郭氏實為節婦理宜旌表風勵多方伏乞御史臺照詳施行

史丞相子格合任用狀
伏念崇德報功聖王之盛事推賢繼世有國之常經功見前中書左丞相平章政事史公中朝元老累世勲臣夙夜奉公小心翼翼而又忠孝傳家險夷一節今行年

七十搃戎湘漢御將籌邊衝冒矢石瘴烟暑雨偃薄侵
凌內懷未效之憂外憚敵王之寇用是憂勞日增哀疾
伏惟朝廷憫其如此故屢頒宣賜式慰老懷先之以御
醪藥餌繼之以內廐乘騾其馬為恩寵固已隆重然史氏
一門諸子振振未蒙擢用今者魯蔡二公之後內外分
任各有其人豈期柱石之元臣未覩簪纓之嗣子據嫡
長子格天姿高明達於為政前任衛州節使已有能聲
後從西征多歷艱險合無依例任用周置彼用行不惟慰

史公之心於垂老之年抑亦激忠風於當代也據此合行
舉呈

秋澗集卷八十五

欽定四庫全書

秋澗集卷八十六

烏臺筆補

廉平章廉能合復用狀

元 王暉 撰

蓋聞進賢受上賞，蔽賢蒙顯戮，古之通論也。伏見中書平章政事廉希憲，忠誠衛社，孝友名家，久待禁闈，常深委使，而又疾惡如讎。進賢若渴，爰自中統初年，奉將天

威仗鉞陝右其奮不顧身弭伏禍亂致寬西顧之憂而謀猷忠壯蓋素所蓄積也及歸治裝琴書之外一無長物可謂廉矣既而平章中省前後七年益勵忠貞之節殊深端揆之方其於贊襄不為無補邇者罷政就列祗緣新制不聞過愆今也未及踰年卧病數月生理蕭然恬焉自若雖斛律光之忠亮無他魏尚允之清苦自守無以過此誠清白之相乃有為之材也今年方強仕以未宜置之散地使後事功方今川蜀未得其人襄陽旅

拒不下倘起而用之使當一面必能收取實效不效則治某以冒妄之罪誠所甘心焉

乞尚書柴楨北遷事狀

竊見雲南王府衛行六部尚書柴楨賦性良能為人簡重嚮摠西曹殊深雅望久承簡在之恩宜處腹心之地自居大理將及五年今體訪得王府既還無所事事至於彼方上宣設宣府下有管民等官仰賴天威足以鎮撫其柴楨等一行官吏廿餘人似不宜久置遐荒坐老志

節使智能之士不得樹功業於明時誠可惜也近又於
奉使張廷珍處問知本官身雖無恙鬚髮盡白乃心王
室無日不在興言未竟涕泗交零中外聞者莫不慨歎
昔班定遠哀請臣不敢望到酒泉得生入玉關足矣古
今雖殊其於臣子戀闕之心一也兼楨母在堂年逾八
十使母子形影相弔於萬里之外又可憫也伏惟聖朝
以孝治天下如楨者倘蒙矜憫詔賜北還如是豈獨不
遺材於絕域抑使忠孝之道得兩全於君親亦激勸臣

子之一端也

論高明奔母喪事狀

今體訪得戶部員外郎高明為母訃至已經詣告未蒙
明降輒即奔赴致省堂怪責遂差官馳海貴馬前去追
鎖似欲以違錯加罪為此參詳得若以公廢私純孝之
人難以存處若因孝獲罪使為人子者聞父母之喪皆
不敢奔赴是有司教人以不孝何以法為唯其兩者之
間未有定例使澆薄之徒轉無顧忌孝行之士愈惑所

守照得舊例，斬齊衰三年者，並聽解官。其品官任流外職及吏員司吏諸局分承應人，遭喪卒哭百日，令復職。願終制者，聽聞喪者並聽奔赴。今凡諸職官遭父母之喪，其有告詣奔赴及願終制者，如抑而不從，恐傷孝子之心。伏乞省部比及通行定奪，以來合無量職務繁簡，權宜定制，或以卒哭為期，或見新月復職。外據自願解官終制之人，一從所請，兼憲臺以肅清風俗為首務。而古者明王以要道治天下，無重此據此合行具呈。

彈周咬兒羅魏子等事狀

伏見近緣災異，減斷囚徒，所以詳刑用回和氣。故選差朝官宣明至意，審理冤滯，惟恤惟欽。期於久當，今體訪得某人處心殘忍，悖法亂行，以重為輕，當出復入。如滑州周咬兒打死馬大事，詳其造意，止緣將妻在道，慮有非為，曾不詳審，詔條輒以圖財論殺。又驅奴孫佛寶并妻羅魏子於淇州郭家店內，同謀親手將本使王二殺死。雖佛寶在逃未獲，其追會準服已足完備，自合依奉

詔條斟酌舊例不分首從論決却將羅魏子同雜犯決
訖止四十七下分付本家收管竊詳一事既乖寬大之
恩尤失重輕之義是見處心邪枉悖法亂行非惟反戾
天地之和氣使魂寃魄苦生死兩傷胡可追悔據逐節
事理大屬違枉合行彈劾乞依法論罪以慰死者

論左丞許公退位奏狀

臣聞賢者化之本雲者雨之具得賢而不用猶久陰而
不雨也伏惟中書省禮樂刑政紀綱號令之所出誠朝

廷之大柄中外之繫望也承轄之位不宜用非其人使
曠天職伏見左丞許公衡師心大學養氣至剛獨立危
言清苦自守挺然有蹇蹇匪躬之操方之古人不可多
得其自立中省迄今十有二年前後相臣如衡竭盡者
多矣未若許之切直敢言不以榮貴為心者本官正以
遭有世之遇當有為之時十餘年間恩禮隆重爰自布
衣擢置相位計其初心有盡瘁報國而已然自輔政以
來中間有所建明未聞以次施行者以為處任重責深

之地無涓埃補報之功夙夜思維自慙焉用用是憂惶疾日增劇今者恐久妨賢路故卧病不出哀懇求退至于再三揆度其情恐不特血氣為病耳伏惟皇帝陛下聖智天臨明燭萬里求治之心亟若飢渴一旦得臣如此夫復何求且君聖則臣直虎嘯則風冽氣所感召理之固然若是則國家之福天下之幸也如左丞許公者伏乞時加禮貌置彼論思使之展盡底蘊以答恩私其於謀主體斷國論必能進盡忠言有所廣益以慰中外

之望誠未宜聽其去位以塞忠諫之路也臣職當言責觸冒忌諱惟陛下留神省察

論司獄官合行條理事狀

伏見比者隨路設置司獄官三十餘員其品與祿不為微薄足見朝廷重惜人命哀矜庶獄之至意也又照得省部郎日以五事考課親民官政治能否獨不見降到獄官合行條件竊恐中間不為用心勾當有名無實緣狴犴之間人命所繫若未經鞫問及抵法以前或因病

失所非理死傷者其間縱有冤濫當宥之人胡可追悔此與殺之何殊檢會典故漢宣帝地節四年詔曰今繫囚或以笞掠及飢寒瘐死獄中者朕甚痛焉其令郡國歲上繫囚若笞掠及瘐死者丞相御史深殿最以聞今卑職參詳隨路輕重罪囚一歲中常不下有五七百常人且冬夏二季又為苦月其或溫涼失所飲食非時藥不當病非理死傷者固亦不少今獄官雖備恐只以無合行條令罔知所恤不過囹圄約束卒吏無致疎虞而已

如此是與朝廷矜恤至意大相乖違徒月費俸鈔養閒人資歷也此與不設何異以其愚見今後兩省宜酌古準今講究獄官合行條件使知所守定為格例付下各路施行如本官任滿日仰總管府以憑考較優劣復令按察司體察相同申臺呈省用之陞黜以表能否庶望獄官任內盡心勾當不致非理囚禁因循損傷人命上以副朝廷哀矜至意下以感台陰陽之和以消災蠶之氣亦聖代善政之一端也外據囚糧醫藥燒具窠簞等

物所在官司須管按月依例給付却不得因而致有關
乏據此合行具呈

太廟行禮早晏事狀

竊惟祭禮以嚴禁為主兼質明行事清朝而徹古今之
通禮也伏見今歲太宮大祀自十七日夜二更以來行
禮至明日辰時方纔罷撤計其漏刻幾於一日以致老
者不勝其疲壯者委頓於地所謂有司跛倚臨事雖有
強力之容肅敬之心因倦怠而不存於中矣且祭而忘

敬鐘鼓玉帛似為虛陳彼執事者却因怠失儀從而得
罪是又不可甚矣參詳合無將規行禮文令尚書禮部
與太常寺官重行講議中間節文輕重升降遲速因仍
損益使各得攸宜以新一代之典永為定例則禮容精
意兩有餘裕顧不盛歎據此合行具呈

乞權免大名等路今秋帶納中都遠倉腳錢糧事

狀

竊見大名彰德衛輝懷孟等路蝗旱連年闕食者衆

嗷告困至今不絕即日又令五路百姓起運官糧十萬
 餘石限其一月中赴新城交納每石雖官支脚價貳兩
 貳錢其實難以繳計據各路所談糧數官司盡付椿配
 民間轉令僱脚搬載令體訪得每石不下五兩有餘方
 纔可運石一石兼大河以南千里蕭條人烟斷絕人牛車
 仗冬月苦寒至于餓糧芻料又須負載往返三千里餘
 其間生受姑置不問而近倉稅石及帶都納中都遠倉脚
 錢糧數亦以常例依三限管得依期閉納如此督迫人難

何以聊生參詳上項事理除官支脚錢外每石百姓又

官支脚錢外每石百姓又費二兩有餘今畧舉大名

費二兩有餘今畧舉大名現運四萬五千餘石扣算據

百姓上餘外所費二兩之數且談米兩石為率是使百姓

已納十三萬石到官比附本路遠倉脚錢糧數四萬九

千餘石已出一倍之上今者更要百姓帶納之數委是

重併以某愚見合行將今歲五路帶納遠倉脚錢稅糧

權行蠲免外據近倉稅石更為寬轉限次送納且令百

姓併力以供新城陸運且優於辦集且兵法有云國之

貧於師者遠輸。遠輸則百姓貧。由此而觀。當國計者。誠宜深思遠慮。念遠輸之勞。傷百姓之困。使民力有餘。不致展轉。告損貧乏。似為便當。

舉崔國華充省掾狀

竊見樞密院前官吏人等。往往以貪墨敗黜。其令史崔國華者。練習吏事。通曉譯言。既慎所守。又以能聞。自照。刷束隨房。例有違錯。而國華無一事。經問者。其掌行簿牘。精詳舉。皆可觀。竊詳身居吏職。能自振潔。夙夜在公。

罔累所舉。相史丞理宜加異。以勸方來。合無將崔國華轉補省掾。倘試諸難。可收實效。非惟於廉污之間。黜陟並行。抑亦明公道而勉事功也。

論明經保舉等科目狀

今體訪尚書省。批送禮部。同翰林院官。講議科舉事。省擬將詞賦罷黜。止用經義明經等科。其舉子須品官保舉之人。然後許試。夫如是。恐事出非常。中外失望。竊惟科舉之法。上自隋唐。迄於宋金。數百年之間。千萬人之

衆講究亦云詳矣。如餘科或廢，獨賦義策論取士而不
去者，蓋以經史道備格律精當，至公無私，而又可常，故
也。故前人目為將相科。如宋之韓范歐富，金之高石俟
胥，皆其選也。其保舉在宋諸公，雖曾建議令官歲歲貢，
以三百年尚文之世，尚莫能行，况權輿於今日乎。參詳
若依上項所擬，將見公道掃地，關節大行，上下成風，相
率諛偽，其弊有不可勝言者矣。且品流之人，若果實人
材，雖出一切科目，不害為通使特達之士。何獨詞賦無

益於學者治道哉。至明經設科，正使天下之人，舍精就
簡，去難從易，不出手抄義疏，口誦集解，心熟箋註，其規
模不出帖經口試，殆童子答默義之法耳。至有兀兀窮
年，白首一經，餘不暇及者，必欲絕去箋疏，斷以己意，使
微辭奧義，超越於道學諸儒之上，亦已難矣。由是而觀，
反不若賦義之淹貫經史，扣擊諸子，詞理文采兼備之
為愈也。故唐人有進士百一二，明經十二三之謠。宋人
亦云焚香禮進士，撤幕待經生。足見經生為易，而進士

為貴為難矣。此王安石之所以創經義而革明經之輕且泛也。外據保舉等事。論者不過士不官舉。雖盜賊倡優皆得舉進士。則賢不肖混淆。無以別矣。曾不念亡金舉法。如十惡倡優。奸盜充吏。犯贓至徒等。人明有結罪條理。倘舉而行。加其詳密可也。不然。則草野遺賢。閭閻寒士。將終身陸沉。不復進用於明時矣。且以故事。數之又。有甚可慮者。昔唐楊國忠子楊暄。舉明經科。學術荒陋。文不中格。禮部侍郎達奚珣畏國忠權勢。遣其子先

白國忠云。郎君所試不中程文。然亦不敢落也。又楊汝士與錢徽掌貢舉。段文昌李紳各以書屬所善進士於徽。及榜出。文昌紳所屬皆不預焉。及第者裴度之子李宗閔之壻。楊汝士之弟。或曰。今歲取士不公。皆弟子無藝。以關節得之。上命王起覆試。果黜十餘人。貶錢徽宗閔汝士。由是而觀。其明經保舉。亦有未便於時者。茲非明驗歟。以某愚見。其詞賦宜公然集議。不可遽去。其保舉之法。歷行不克。終徒為紛紜之變耳。當今之務。惟以

多得人材以備任用為急據科目之先後人材之速得已經具呈

建國號事狀

伏見自古有天下之君莫不首建國號以明肇基之始方今元雖紀而號未立蓋未有舉行之者是大闕然欽惟聖朝統接三五以堂堂教萬里之區宇垂六十年大號未立何以威仰萬方昭示後世愚以為國之號宜下公卿大臣及五品以上官集議閣下則天下幸甚

彈西夏中興路按察使高智耀不當狀

竊惟按察司所行輕則彈劾奸邪重則抑按暴亂為使者務要剛明知體臨事有為故風采所加百城震肅今體得西夏中興路提刑按察兼勸農使高智耀資性罷軟不聞有為事佛敬僧乃其所樂迹其心行一有髮僧耳既乏風憲之材難處搏擊之任兼河西土俗大半僧祇初聞智耀來官已為望風輕易故理任以來所行淹阻畧不見彈欲望宣明教化問民疾苦鎮靜一道難矣

哉如近者習良和尚等事此其驗也合無別選材能以代厥職不然雖復別有居處既非其人恐終不能震疊不惟虧損朝廷威重使五郡冤抑之民一經赴愬彼强暴者加怨前時而平民轉罹殃咎其或使之强為因而別生事端尤為未便參詳至此擇人而代似不宜緩據此合行糾呈

論立睦親事狀

書云平章百姓以親九族此帝堯致治之先務也令國

家聖子神孫碩大蕃衍維城維藩固若磐石宜請立睦親府選懿親中尊王之賢重者一人判大宗政事使之敦睦宗屬奉承王命庶幾於變時雍民德歸厚矣

論屯田五利事狀

南北之勢我可以取彼此必然之理也然餽餉轉輸古無良法正有屯田待以歲月為古今上策耳朝廷往年已曾施行不數年積穀幾至百萬若行至於今其利有不勝計者蓋兵食足民無轉輸之勞邊有備官無和糴

之弊。兼自古議征不庭，莫不留兵在田，而後收必勝之道。今者宋人出沒不時，止恃山林隘阻，雖云深入，如涉虛境。今者如復令邊民分地雜耕，上自鈞化，下至蔡息，不數年剪去荒惡，蕩為耕野，一利也。民則什什伍伍相望，三時種藝，甲兵在旁，彼欲內寇，野戰實非所長。復欲伺便鼠竊，又無潛伏出入之便，而復嚴烽燧，謹斥堠，少有警急，我則收合餘力，據守要害，而似前日之寇盜，不可得矣。彼縱來寇，如獸處平野，獵者感而殺之，獲之無

不利矣。二利也。至於我軍征進適當農隙，丁力有餘者，許隨大軍入討，所獲悉付本人，是民因私利勇於公鬪。三利也。又令向裏一切蒙古與魯亦編民間屯，使之雜耕，不惟調習水土，可使久居，且免每歲疲於奔命之役。四利也。不數年根蒂深固，使奧魯軍人倒營而下，近則雜兩淮之間，遠則抵大江之北，所謂長江之險，我與共之矣。五利也。合無將河南舊有屯田戶計，及一切沿邊之民，盡折絲銀，使之輸穀，其屯事於山川出沒要害去

處首為耕墾官給牛畜自辦農具其餘法且一依經畧
司元行然後選近侍為大司農官及內設屯田郎中員
外專領其事使通其奏請趣其應赴歲時令按察司或
督軍御史按行屯所察其成否而賞罰之不數年田事
可成坐收必勝之道矣

論百官集議事狀

朝廷大事有疑似未決者當下百官集議漢故事置大
夫專掌議論自兩府大臣博士以下皆得預議以伸己

見不嫌以卑抗尊既盡其衆之所欲言然後附以人主
之獨斷此漢之集議有公天下之意也方今品式未完
法制未定其有可行而疑似者宜遵漢故事五品以上
官集議闕下各具所見以聞

論宰相兼判兩部事狀

今者吏刑二部官脩吏具專一分治是朝廷委任既專
且重竊見比年以來選法不定刑名無章黜陟遠近多
徇私情輕重死生致傷和氣宜考定新制使宰相兼判

兩部以責成效

論立羣牧所事狀

伏見古者將帥以大司馬為官蓋兵以馬為本今冀土雖馬之所出然國朝馬政未遑修舉輿臺皂隸皆得乘騎駕車拽碾無不駑用一歲之中消耗不少往年雖有禁令旋復寬弛甚非強兵之道也宜養之有素立羣牧官畧取唐制以定牧產之法再嚴先禁用壯兵威

論官員輝竹事狀

初見衛輝路民竹緣三十年前百姓培養以至今日俱係軍民站戶倚仰當差兼已亦教重宣課近年官定四六抽分其實中半曩者園戶懇難雖蒙上司定奪經今二年未獲明降其竹因斫伐不時往往枯死若以竹論通合官拘如日物力與桑麻無異又與懷孟事體畧同據園畝不過四十餘頃宜買屬官竹使民無永業之思官有通行之利亦便民之一端也

論塞絕沁水事狀

竊見今年雨水稍作，黃沁北泛，決壞武涉縣壩閘。北與御河合流，淇門以下，槽岸低狹，不能吞伏，幸不為患。兼今日隄防未修，倘值雨潦大作，自衛以東，非惟漂沒田廬鹽場，所在有大可慮者。以某愚見，將見修閘堰，宜塞絕之，使無後患。嘗聞衛土人云：金大定二十七年，黃沁北泛，滄沒州城，水至浮圖，定一級，此先事之驗也。

論范陽種麥事狀

竊見附京地寒，不可以麥，而歲用不啻數千萬斛，止仰

御河上下高販，以資京畿。今范陽去都百里而遠，土風宜麥與稻。比之秋田，宜令倍種。外據荒閒，冒占復許，諸人開耕，驗領^頃或免地租三年，及減半力役，亦完實內地之道也。如關中古無麥，今盛於天下者，蓋自武帝始也。其種稻事，昔北齊皇建中，平州刺史稽瞻建議，開督亢^陂，舊被^破歲收稻數十萬石，此境賴以周^聽，賠此其驗也。督亢地在今新野縣界。

論大作水軍事狀

征進舟師，固未嘗闕。然可大作一軍，召募兩淮、黃河上
下等人，并南人歸順者，兼用其力。船艦一依宋法，精選
大將，使之專習水戰，建以龍驤樓船之號。歲遣師出水
陸並進，亦多方誤之之法。漢武發會稽，既越之策也。內
則浚太液池，造為輕舟，令武衛軍不時練習。又武帝復
西域而鑿昆明池，魏祖之征荆吳，而開許西湖是也。

論削去科帖俸名

民間科帖，標注俸鈔，且賦稅從古有之，必斂之於民，以

給祿養，是恩出於上。今者名之科帖，曰此官也，是民自
以祿食廩給，非出國家公養大恩也。宜令削去，所謂民
可使由之，不可使知之也。

論撫治川蜀事狀

宋人以川蜀號為左臂，謂其控制荆湖上流，特之以為
重者。迄今奄有垂五十年，殆天之所以資國朝也。先年
以來，雖行臺院未聞境土外拓，戶口內增，蓋經畧與撫
治未得其人也。故以某愚見，若有能招集流亡，和誘諸

羌訓農積穀通商惠工興起便利撫存遺黎文武才幹
忠義方畧者擢以不次許於要害城邑令一切從便行
事自非邊城可並者併其差稅課程權擱三年行有實
效使世守其土外據諸蠻君長如能率衆內徙亦仰依
上施行軍前據獲生口不許贖賣將有夫婦及男女成
丁者配合作戶官為給田每稅量納本主稅石如此待
以歲月完實富庶以俟他日順流東行之舉猶愈守駐
寨柵崎嶇山谷間徒費錢糧終無所益取用弊而已

論普加諸王爵號事狀

古者封爵或以土地或以勲賢然徃徃遙領不有其土
未若我朝天恩曠蕩均同雨露實有其封以供湯沐其
未叙王號者合無推恩普議及依制頒降印綬使名實
兩全以篤親親之義

論戰士有功遷加官賞事狀

士須以氣作氣因利以銳而官爵者國家之厚利也故
以加級奏遷使兼今後軍前一切戰士克敵有功者合

無驗所獲首級用誥勅遷加散官以作士氣

論西川軍役事狀

西川軍人俱係山東河北山後戶計逐年取要氣力往返五千餘里比至屯所鮮不困乏求其精銳不可得已所謂強弩之末不能穿魯縞也近聞平灤軍人已蒙替寵嚴至於其餘軍戶合無一體定奪亦同仁一視之義也

論禁庸醫事狀

國家以民為本五福以壽為先今民間庸醫及僧道等

人妄行鍼藥民愚無知一旦委命於手至有父殺於前子扶天於後終不覺悟是庸醫者猛於苛政也以其愚見除係官名家者流餘者宜漸行禁止記曰醫不三世不服其藥此之謂也

論監選典故事狀

監選故事吏部將受除員數及擬定州縣名職單目付之監察本官但憑教臨視而已若中間或有資歷先後品從高下及不應等事許本官陳告御史即推究根因

與之改正。今者監選合無依舊例施行。付之吏部。以為定式。

論置官吏空行簿

天下重事。無重於州縣得人。果得其人。臺司何憂不清。州縣何憂不治。今按察司既立。請中書吏部具各州縣官吏見任姓名。為空行簿。所至州縣。先暗行體察。然後遍見官吏。一一詢考政績。得其公廉勤幹者。明注實狀於簿。其衰老無能。顯有不治之迹者。以朱書書之。又有

雖是常才能專長一事。亦以朱書書之。其有中人之才。雖別無奇效。亦不至敗闕者。以墨書書之。還臺具奏。以聞。然後付之吏部。使陞斥補充之際。可以坐見羣吏賢愚能否。不遺一人。則天下之才。昭然可得已。

論益都括出新戶事狀

益都路括出新戶。不下萬計。俱係貧難老疾。分房屋下。攢合作戶。今秋又值水災。比之他路。重致苦乏。若向前科差。必避匿遠竄。不幸更值災傷。轉展流死。別生事端。

非國家之利也。以某愚見，宜令按察司從實除覆，果堪
戶計，尤宜將恤其不成戶者，並聽作貧難收係，似為安
便。

論品官得上封事狀

五品以上文資官，如遇赴闕授除，所管路分內，如有利
病當興除者，得上封事以聞。其條件大不過三，小者五
事而已。正本上中書省，副則呈御史臺，庶望下情得以
上通，而無壅滯之蔽。非唯稍見人材優劣，亦且知任內

有無盡心勾當。

論立國子學事狀

竊見朝廷選近臣子孫聰明者，付之省部，嫻習政務，或
授之儒生，講誦書史，合無立國子學，使學士院官及選
通達政務一人專領其事。

論嚴禁奸細事狀

方今宋人規畫止是內嚴城守，外用傾謀，遂得事情預
為備禦，故師出不能大，有利益以某愚見，急當禁絕奸

人入境將沿邊地面令軍官上下分掌不時巡邏萬一
透漏其當該人員同知情治罪

舉關中修事狀

銓選刑名最為重事先為選法未詳已擬丁某充員外
郎勾當其刑部亦宜選用舊人整理審定竊見在都關
某係前朝刑部令史練明法律通達書史年德俱高宜
蒙錄用不然取宋故事立審刑院使掌理其事

論交參戶土著事狀

交參漫散戶計本管上司差設權府提領招撫總把之
類另行管領中間不無侵擾使失業貧民轉致困敝今
後似此戶計合無令見任官司收係土著元籍路分推
送除豁

論立聘財事狀

男女居室人倫之大者也比年以來聘取無法妄增財
幣使貧家失娶嫁之時今後合無酌古準今定立常數
庶望內無怨女外無曠夫

春旱請祈雨事狀

古者龍星見而雩雩者四月禱雨之祭也即日已是立
 夏氣序乖和暑^炎驟作今體訪得自彰德迤北至都去
 冬無雪經春不雨二麥已枯春種未下至於大興部內
 雖雨降數次多者不及二寸竊恐蝗旱及成災沴民事
 之急無重於此據隨路闕雨去處合無令有司擇日行
 雩祭之禮為民祈穀其於農政實所先務據此合行
 舉呈

論倉庫院務官除授事狀

舊例倉庫院務皆係流外官除授今者一出人情賄賂
 其以賄得者取倍常為心其以情得者務賂遺為事以
 致徃徃失陷^賊職濫而販^敗曾無愧惜今後合無依舊例據
 見勾當人員定立資品依格遷叙使人人以功名為心
 其弊不革而自去矣

論監選事狀

欽承聖旨條畫內一款節該應合遷轉官員如任滿不

行遷轉或遷轉不依格者。委監察糾察。仍令監選。欽奉
如此。近委某監選。伏見中書省奏奉到聖旨。中統三年。
無脚色官員。盡行委用。據告叙承襲等事。省劄亦有定
例。其一切求任官員。各有自來根脚。及本路總府保申
文解。所當問者。升降不等。資品不應。遠近失當。言出事
定。皆在擬注之際。今者監選。止是引驗。臨視解申文字。
中間銓注窠闕。是否何由得知。若已除人員。倘或不幸。
有告言者。臨時難以折辨。亦恐臺官怪問。又知得第一

選。係監察梁貞監選。將解申人員。讀視外驗。及將擬定
窠闕。亦令看讀。今某監選。除讀視解申引驗人員外。
擬定窠闕。不令看讀。若不呈覆。緣今日格法日新。某等
監選。亦不當守常而不知變。至如亡金故事。亦是監視
注定名數。其間公事。若有違錯。即告監察與之改正。又
念今日最害事者。以情破格。以私害公。照得欽奉聖旨。
節談。仍令監選。思忖監選者。選之事。豈有知其前而不
知其後。合無依第一選。通知前後事理。以望中間不致

違錯據此合行呈覆

論舉官自代事狀

竊見內外大小官吏務保祿位鮮有以廉恥自厲者正似傭工計日取直縱有強幹亦為薄俗所移欲求其公勤忠義竭力以報上者不可得已其道正須尚廉恥獎忠勤抑僥倖進恬退如樹私黨取常格叙故舊等事皆宜杜絕今後合無令內外五品以下至七品官比及考滿中間須得保舉所知有才行聲跡顯明者一人以自代

令按察司覆察才行確實申臺呈省聞奏如不相應彼此俱罪之其舉官在任內或有故及任滿闕員即令其人補充茲蓋帝舜九官相讓之法唐朝因之亡金亦嘗行焉今之天下猶古之天下行之於今何獨不可但二三大臣主之當力耳

論修起居注事狀

宜令學士院修起居注逐漸旋進讀復置起居舍人郎官等官使分掌其事

為收復連海事狀

專委東路統軍司據元曾攻拔連海將士人員令陳說當問方畧限以年數專為收復以窺海道入揚州之路

論定興隸屬涿州事狀

竊見定興新城及自亡金保京畿屬邑況根本所在勢無太重合無改正復隸涿州

論服色尚白事狀

國朝服色尚白今後合無令百司品官如遇天壽節及

圓坐廳事公會迎拜宣詔所衣裘服一色皓白為正服布告中外使為定例

論百司吏員並懸書袋事狀

在都百司吏人實繁有徒服色既無以別察者又不復知以致徃徃輕犯禁令今後合無取舊例令吏員等人並懸書袋

論州縣闕解宇事狀

州縣見闕解宇去處宜官為起蓋使有定所及頒降戒

諭聖訓書之屏風使朝夕仰視知所懲勸
論器械有常課事狀

器械貴堅強犀利非限以歲月不能如法西漢至昭宣
帝間兵甲器械方得精粹合無隨路置局以常課造作
物勤工名以考其利鈍令達魯花赤不妨本職監視成
造每月開申功程次第上半年輸納京都

論褒獎公能廉幹事狀

隨路府官有廉幹政聲自民間達聖聽者宜降德音特

加旌擢

論密院置學士事狀

樞密院宜取唐故事置學士一員選六十以上通達古
今曉暢軍事及明時務知地理儒者充之以備顧問參
謀議或有可否許以專達

論今後師出不拘常限事狀

今師出不可以秋冬為期宜出不意使蹂踐田苗不得
耕稼以成彼邊困敝之漸亦充國代表李靖破梁之策

也。論州縣檢括僧道事狀。止不盡其數。其數之衆。亦不計也。

州縣宜檢括出家僧道。不土著。寺人有以妖術煽惑人衆。及造作偽金銀者。痛行治罪。

論均平秤尺斛斗事狀

書云。同律度量衡。帝舜所以資治也。今民間升斗秤尺。有出入之異。往年雖有禁令。有司滅裂。竟莫之行。今後合無製造法物。官為印烙。頒降州縣一體施行。

論軍官以功贖罪事狀

軍官之罪。重積如此。宜許以邊功自贖。以攻城畧地。伐謀用間為上。以斬將搴旗為次。餘驗所獲首級。使相當。其冒名影替之數。古人所謂使功不如使過是也。

